



文苑  
蒲菢  
菢  
十三

賜登文

13456789

~20  
2457  
13



2332/13

20  
2457  
18



文苑黼黻卷之二十五目錄

賜祭文一相臣

領議政南在賜祭文

領議政韓尚敬賜祭文

領議政黃喜賜祭文

領議政申叔舟賜祭文

左議政申用溉賜祭文

領議政李山海賜祭文

左議政鄭澈賜祭文

領議政李陽元賜祭文



文苑黼黻卷之二十五目錄

左議政尹斗壽賜祭文  
左議政鄭琢賜祭文  
領議政李元翼賜祭文  
領議政李德馨賜祭文  
領議政李恒福賜祭文  
領議政柳永慶賜祭文  
右議政鄭昌衍賜祭文  
領議政尹昉賜祭文  
領議政申欽賜祭文  
領議政吳允謙賜祭文

領議政金塗賜祭文  
左議政李廷龜賜祭文  
右議政金尚容賜祭文  
領議政洪瑞鳳賜祭文  
領議政崔鳴吉賜祭文  
領議政申景禎賜祭文  
右議政張維賜祭文  
領議政沈悅賜祭文  
右議政姜碩期賜祭文  
領議政李敬輿賜祭文

右議政徐景雨賜祭文  
領議政李景奭賜祭文  
左議政金尚憲賜祭文  
領議政鄭太和賜祭文  
右議政趙翼賜祭文  
領議政金瑄賜祭文  
右議政李時白賜祭文  
右議政韓興一賜祭文  
左議政具仁垵賜祭文  
右議政李厚源賜祭文

領議政洪命夏賜祭文  
左議政宋時烈賜祭文  
右議政洪重普賜祭文  
領議政金壽恒賜祭文  
領議政金壽興賜祭文  
左議政鄭知和賜祭文  
右議政李浣賜祭文

文苑黼黻卷之二十五

賜祭文一相臣

頌議政南在賜祭文

元首股肱一體同心是以君之於臣生則加爵祿之  
榮死則舉吊恤之典此古今之通義國家之恒規惟  
卿廊廟偉才山河秀氣有貫穿百家之學有酬酢萬  
變之才剖竹分魚而歌登五袴登車攬轡而咏彼甘  
棠獻善宣美政膺喉舌之司激濁揚清獨聳烏臺之  
望以至領袖巖廊調和鼎鼐踐歷中外聲名藉甚昔  
在麗末政散民離天命人心歸于一德卿乃炳其幾

微翊戴聖祖以開億萬年無疆之洪祚當我上王入  
覲天庭卿亦陪從跋涉間閔以捍禦艱難逮至踐阼  
裨益弘多在予冲人如卿之老尤為水鑑藥石令其  
已矣何以為心矧卿於寡人有舊恩之好卿之孫則  
有連姻之慶謂將儀表百僚弼亮四世而天不憖遺  
遽停相杵可勝痛哉爰命有司謹治喪事今將菲薄  
來奠素帷於戲休戚之心永肩於終始哀榮之禮當  
極於存亡

領議政韓尚敬賜祭文

良臣開國之勲古今莫重人主報功之典存沒何殊

惟卿性行端方識慮精達儒雅襲其世濟清勤服其  
家傳體認四時稟陰陽中正之氣心潛萬理察否泰  
往來之機念前朝衰叔之時寔聖朝經綸之際衆皆  
推戴而戮力卿亦協贊而與謀奉厥璽符獻于邸第  
及膺圖籙俾代咀喉遭逢列聖之獎知踐歷華聯於  
中外監司四道黜陟幽明師長諸曹功施乃懋宜其  
振爾栢府之風紀調劑殷鼎之和羹等帶礪之山河  
垂功名於竹帛嗟予不吊固知攸為庶憑元老之詢  
諮俾無厥子之搆履惟卿以四朝之龜鑑享暮境之  
桑榆丁萱堂母夫人之喪咸稱孝親之道及鯉庭左

納言之過亦足為子之榮何七旬之未盈致寡人之  
興悼慨英靈之已逝宜恤典之斯頒肆酬既往之勞  
丕示維新之渥於戲雲臺圖像忠賢每恨於凋零周  
禮司勳喪制益勤於終始

頌議政黃喜賜祭文

英廟在宥妣妣于東同德之佐曰翼成公間氣攸鐘  
山焦海涸滄峙不遠疇若無跡凡厥品彙自遂生成  
垂三百載舉國誦名肆惟列聖念切追報先朝之思  
匪待筵告大庭時享實與服食眷庇前後第贖孫錄  
興懷九原洎予彌極日展仙寢于彼坡交聞卿瑩域

寄在匪遙蕭條悵望恍若托契東門之感靡替曠世  
念我能國賴卿令典祗今申明尤見經遠雖卿不作  
神則萬古尚冀左右翼我皇祖衣履之區樵牧永護  
爰修菲薄庸表予誠靈其有知庶歆茲饒

知製教  
任珽製

頌議政申叔舟賜祭文

量吞河海學貫天人智周庶物才備一身既積之厚  
斯發之光巍然事業郁乎文章朝廷之標民物之望  
歷事累朝蜚英策勳際會竒遇大被寵恩位冠巖廊  
形圖麟閣蔚有嘉績在我王室予承大統實惟徽末  
顧瞻輔臣卿在左右卿於是時為保為傅為舟楫棟

操為善龜藥石為益梅霖雨為方圓正直躡我之昏  
示民以德稽我之疑瘳我之疾正我王度立民之極  
佐理寡躬至有今日嗟卿輔我多于前烈卿實周召  
我愧成康予方何成前途尚長間卿病革我心淒楚  
命遣近臣願聞一語卿曰病間面對于宁卿不竟起  
我聞安所卿之云亡有子有孫亦有典刑佳聲遠存  
知卿無憾我獨傷只死生難逃幽明一理卿其有知  
知我如是何天不慙奪卿之速我失一鑑尤切傷盡  
仵真一酌庶幾歆格

左議政申用溉賜祭文

襟韻爽邁器識超詣振緒名家抱負踔厲成廟急賢  
掄才類宮卿其戰藝聲聞磨空玉署金鑿一捷挺鶚  
既瞻文學又裕盤錯發軔致遠人無異論寡躬繼序  
式遵先憲卿惟舊臣事可徵獻歷試諸務克懷經遠  
文衡重寄非人罔授卿掌詞誥人莫敢違援毫應速  
敏如宿構三事位缺邦論攸歸躋陞責成予惟拱衣  
庶庸鴻猷期臻至理卿竭夙夜範我百揆勞悴愆和  
肇于年前請告者屢予用憫然盈旬輒起予視為恒  
老金侵陰卿疾倍增頻章瀝懇苦求解位予終惜去  
不敢斷義天固靳治竟奪卿壽首肱相維元氣不疚



文苑補遺 卷二十一  
肢體受痺首將何恃感念不慙燥痛曷已擯殞存制  
祖載有日倏瀆長訣益深愴惻茲遣菲薄替陳予哀  
卿乎不昧諒我無窮

頌議政李山海賜祭文

世有顯德藹蔚家聲及卿之身仍耀烈名始微有知  
則振文囿筆揮龍蛇詞裂錦繡早揚王庭平步青雲  
久司銓轄桃李在門逮秉文衡賁飾太平山河托誓  
鼎鼐調羹受知兩朝望係老成屬時艱難亨衢暫屯  
俄蒙賜環屈而又伸予方圖任不啻飢渴乞骸雖切  
予意已決眷意之重實出衷曲云胡不慙天奪之速

人之所難曰位曰年卿享其福爵齒俱全人之所願  
有子有孫卿有其樂蘭玉齊芬在卿奚憾休慶備至  
在予所慟不究厥施緬想儀形悲深喬木聊倣舊典  
代陳洞酌靈其不昧式佇來格

左議政鄭澈賜祭文

維正與邪若陰陽然迭消而長理無並全嗟卿一身  
闡世污隆其屈其伸可究始終卿之登朝際宣祖聖  
首持激揚以槩初政伊誰謠詠欲售熒惑卿辨于廷  
已側其目甘陵旣分邪正遂判以卿素剛為彼最憚  
大賢得與群小斯坦卿贊聖斷三奸距脫孤忠雖許

衆咻益怒繞褒殿鴟旋成市虎噫嘻逆節出自淫朋  
九廟震驚孰為股肱主危是急敢淹于遯迺即大拜  
迺任湫問豈不審克彼自怨毒匪獄之失而怨之宿  
謂卿殺之卿則實救非卿所讞亦云卿搆曾謂明允  
而事羅織曾謂哀矜而肆憯虐萋斐既成難纏終欺  
以參殺人慈母亦疑生既罹擯沒猶抱枉已褫鞶帶  
危禍泉壤滔天之詬卅載而極力舐卿者率為元惡  
豈惟卿冤斯時則昏仁廟改紀湫慝大分元老同辭  
厚誣悉白兩聖繼治遵而不易粵予嗣服謬進匪人  
覺言之起已見斷斷孽臣再逞竊柄行臆我忠掾良

絲近逮昔或投其匱或面以謾鬼域之態肝肺可見  
蓋立暨堅其逆同符遂謂庚獄卿所權輿庚獄既返  
猶不為慙先朝斷案簧鼓并及盡矣九地復加譴責  
甘心於卿豈為亂賊神人胥憤婦孺亦傷今予深覺  
大有更張念卿平生不願禍福矧伊既骨何榮何辱  
惟此旌別有國恒規爰蔽予衷不待詢諮恩綸特降  
相麻還畀予以慰卿亦新予理計卿終始今餘百年  
其間屈伸允至幾焉當卿之屈奸壬克廷逮卿之伸  
治化斯清其世若此其人可知繫卿大節於古亦稀  
清明直方輔以問學操如松筠質惟冰玉聖祖所獎

大賢所推肆與憐人臭味回岐雖誣何傷祇見其正  
安得如卿作予之相日會輦路過卿舊塋鄭公之鄉  
尚留嘉名咨嗟興念若或遭際顧今愍典遍延摺屬  
况卿忠賢尤宜崇表酌茲洞酌抒誠以告後令大來  
庶期世世卿無復屈國以永泰

大提學金  
鎮圭製

頌議政李陽元賜祭文

黑龍之變歲周三甲聖祖有相受命危急白首留都  
漢蕭宋澤孤軍賊藪空拳介立鑿于蟹嶺亂後首捷  
瞻望龍灣風悲涕雪八日絕食數斗嘔血志決身殲  
人亡國活念卿忠悃蓋自平晉夙聘大邦回天有力

奉勅東還功存光國丁卯知申邸第迎綽處事慎密  
宗社磐石文苑握衡旂常著績風雲盛際賡歌一席  
鷺飛于渚冰黑伊白遂結隆知爰膺枚卜盡瘁後已  
成就愈卓有子襲訓同時殉節嵬勲偉烈矧我屬籍  
易名令典有待今日瞻彼江上歸然故宅撫昔興感

遣官侑酌

知製教金  
著考製

左議政尹斗壽賜祭文

間世奇才當代偉人忠孝性成詩書學醇宏度雅韻  
深識遠智在韋布日識昂台器射策金門蜚英妙年  
鑿坡玉堂兄弟聯翩匪直門榮實惟邦賢往在先朝

茲臣執柄跳踉媚媼交亂國政守正不阿懷劉嫉惡  
青蠅點玉風雨一葉文考所寶遺予小子曰篤忠貞  
不渝終始鵠立憲臺白簡飛霜按節西南留愛甘棠  
璿源被誣歷世銜冤竭誠回天復正彝倫銅盤盟血  
麟閣丹青逮判度支絜矩財生島夷要成言甚悖逆  
辱及上國奏宜當亟異議雷同正論唯卿一言九鼎  
大義期明朝廷失和用舍乖方維時去國踈我賢良  
恬嬉日久醜孽純侵重閔失險已無漢南蒼黃西出  
助予誰是此時名卿吁亦晚矣卿不我棄聞命即起  
山南相對喜動于顏爰立作相以濟艱難精忠慷慨

投淚朝班知無不為笙靡遺策中流有楫大川可涉  
箕城不守橫潰難遏百年王業一隅龍灣社稷存亡  
呼吸之間控于天朝克拯危殆經營籌度皆出卿畫  
夙夜憂勞志切重恢三都既復同我歸來荷天之靈  
賴卿之忠得有今日予何忘功再卜金甌實切倚毗  
雖因浮議豈終卿棄方圖策錄庶答勲烈胡寧一疾  
曾未數日遽報云亡心焉如割天不憖遺國無蕃龜  
誰濟予屯誰扶予危人百難贖一涕何及幸卿諸子  
不墜家聲卿其不亡死哀生榮茲諏典式爰奠菲薄  
靈如有知庶幾來格

左議政鄭琢賜祭文  
德宇靚深性資蘇裕溫良檢已動遵規度蚤列法從  
為時偉器機圓不滯言論疊疊量大無遺剖判恢恢  
經世之志鎮物之才雍容禁闈密勿經幄夙夜匪懈  
思盡忠益霜臺驄馬玉署金蓮垂紳正笏卓步聯翩  
出寄方面棠陰晝靜入持銓衡李下無徑歷試周行  
僉望偕符超登黃閣擢授鴻樞無偏無陂公道衡平  
不激不隨令聞永貞群僚是式寡德仰成若涉為舟  
若早為霖聞諸在古見之斯今蒼黃羈勒頃在草莽  
卿能隨予匪躬之故宣勞悉心保護春宮一節夷險

有始有終百年藝鼎茂績豐功卿乃告老封章累至  
予雖貪賢卿實知止勉循誠意許謝機務田里優閒  
進退無咎雖非朝夕在予左右國有大事恃為元龜  
如何老成天不憖遺邦其珍瘁予懷之悲代奠洞酌  
靈必有知

領議政李元翼賜祭文

河岳間氣冰蘖苦節稟性貞亮飭躬端潔溫然其玉  
介乎如石平生悃幅一心精白砥礪名行夙際昌辰  
惟賢惟德皇祖知臣政事文學左右俱宜入告出宣  
經幄藩維歲在龍蛇島夷狂獫駘駕西巡綴旒時勢

奔走跋涉介人伊誰家國存亡是倚是毗手握大斗  
與天周旋陽春一路芬苒百年九廟再安三靈不改  
勤勞獨著聖心嘉乃報之如何上相崇封矣但上相  
實總元戎內重而內外急則外民曰父母國有蕃蔡  
弓劍既遠衡石則貽曷不夙夜時不可為天倫敦滅  
宗社將淪瀝血封章有國無身言言肺腑字字綱常  
金石可貫鬼神在傍欲扶其顛乃反齋怒荒峽蒸蒸  
大江之滸斥之何尤非我伊感皇天默佑邦命迓續  
大老既來朝廷乃成童率何知手額以迎白髮蒼顏  
搢笏垂紳先后之思勗予一人潭潭相府百僚是儀

歸視其家破壁踈籬德與年邵清自人知三朝耆喆  
一代宗師終始仰成輔予不逮辭位雖勤豈忍忘世  
休戚之義進退惟均亂離播越前後艱辛內警邊虞  
奔問必先情既相孚禮罔敢愆駕幸何屈有願莫遂  
几杖非榮式遵故事堂褥非華亦表素志一水盈盈  
伊人寤寐新陽載和期一利見肩輿造朝劍履上殿  
賁然來思予日望之邦之殄瘁天不憖遺峯摧太室  
星殞台極朝無典刑士失矜式同時之幸有臣誠難  
惠施未久身名獨完汗史流徽口碑載績靈固何憾  
予心之盡替莫非馨有淚如藪

大提學李  
明漢製

頌議政李德馨賜祭文

氣鍾河岳姿挺珪璋優于德業餘事文章公輔之望  
著自弱齡翼我寧考羽儀明廷契合昭融龍雲魚水  
論思獻納夙夜通地擢典文衡俄并宗伯責飾治化  
於以華國遭時陽九扈聖西巡贊襄訐謔駿命維新  
位晉台揆年未始仕內凝庶績外飾戎備適隨天將  
廓清邊圉艱難險阻竭其心膂功成罔居行止聽天  
投閒致養忠孝雙全予在儲宮資卿訓迪迨于嗣服  
注意斯篤宅于昴司補我衆職益梅再調董桂愈韙  
予罹險釁集獍謀逆辭連稚弟何忍割恩卿獲我心

上章請原重忤廷議錮削職名予豈負卿迫于下情  
今聞卿訃架增痛怛爰命有司復卿官爵奠祭以禮  
哀榮終始知製教鄭弘翼製

頌議政李恒福賜祭文

宣廟在位逾四十載壽考作人有光前代如植衆材  
卿為杞梓隆然棟樑萬人所庇粵自經幄以至巖廊  
訐謔遠猷輔拂贊襄弘濟艱難辨雪邦誣勲業隆隆  
望實允符以貽後人太平是啓天一方蹶嗣德起穢  
奸回內熨左腹煽慝釁搆同氣事連長樂哀哀孺子  
奪燻以我忠貞既竭歛身遜荒亂如此臚彞倫墜地

金墉禍迫冠履易位孰非王臣茅靡盈庭惟卿挺特  
義重生輕片言出口人紀以立淫威旋加竄身絕域  
逝彼北荒微纒纒嬰幽憤未洩營魄先傾人之云亡  
善類慘傷上天悔禍宗祏重光曾是枯槁靡不煦嚙  
眷言碩輔獨闕泉壚九原不作增予心惻爰命有司  
薦此芬馥精爽不昧典刑可想一理感應庶幾來享

大提學  
張維製

領議政柳永慶賜祭文

廊廟之器受命惟獨王室世臣擬以喬木歷敷臺省  
夙著風力分陝秉銓蔚有聲績受知宣祖任之不疑

禮絕百僚身致台司光輔中興形留麟閣時維二月  
月哉生魄金滕未卜玉體不興惟庸罔念讒孽相仍  
仁弘煽禍爾瞻亂倫張弩設毒痛斯民孤忠莫辨  
巧說誰當鵬賦初成雉經斯創一死非命重法追繩  
孥戮繼踵國言涕騰哀弘血碧痛結重泉伍胥眼抉  
踊訴上天迨予撥亂奉迎慈闈伸理冤抑卞誣邪詖  
逆魁授首其徒肢解天之報施孰云安在復卿舊爵  
還以疏封魂若有知瞑目雍容爰擇日吉佾官臨祭  
曠世相感無從予涕覃恩霈澤備極哀榮顯忠遂良  
罔間幽明



右議政鄭昌衍賜祭文

昭昭茂族弈弈崇閥粵自文翼間世而出力扶士林  
功存社稷世濟其美文章德業迺貽後仍卿實挺生  
貞標玉立雅性冰清自從通籍早蜚英聲受知宣廟  
特蒙簡拔翔于翰苑騫于玉堂青蒲白簡振肅頽綱  
秩超銀臺俄映卿月持衡藻鑑進退人物時望攸歸  
金甌將卜未及大拜弓劍忽遺逮于昏朝廉謹自持  
戚縣豪貴缺位踐台鉉克扶倫紀不撓讒搆  
中立不倚無黨無讎舉世莫疵予在潛邸夙欽風姿  
即作首訪畀以鼎席三代三台兩兩齊色庶幾夙夜

以輔台德謙謙不居又引衰疾予甚缺然莫與為國  
天未懷禍變生倉卒衣冠分散上下相失念卿羸病  
飄泊何處一夕孤城遽聞卿逝天胡不憖奪我良佐  
國事至此朋比之害前席卿言至今在耳不朽者存  
卿死不死徂徠生材藍田產玉洎子若孫蔚為庭碩  
久倚牆壁未遑禮典茲遣近臣以致菲奠卿如有知  
亮予悃悞庶幾來格歆予洞酌校理權  
繪製

頌議政尹昉賜祭文

簪纓盛族喬木世臣積善有慶代出偉人越自乃父  
相我先王功存社稷績著旂常卿之兄弟承訓家庭

齊飛聯壁烜赫聲名八龍五常無雙白眉翔于臺閣  
殿于藩維遂陞卿列望協台司遭世替昏屏居林臯  
德厚衆重身屈名高肆予初服擢卿朝紳任以鼎軸  
邦命期新如何不天屢警風塵內訌外亂顛沛流離  
生民何罪天運如斯卿能盡瘁力竭扶危物議過激  
紛紛是非卿罹文網非止一二予甚憫惻旋起旋躓  
年迫期頤酸辛嘔血尚冀勿藥竟至淪沒密勿嘉猷  
誰更陳前匡復大計孰與周旋卿之誠懇至死彌堅  
一篇遺疏文字忠宣九原難作今古轉眄如卿德量  
已矣莫見茲遣禮官敬奠一酌幽明何間庶幾敬格

大提學  
金瑄製

頌議政申欽賜祭文

奎聲夙亮玉操彌溫才隨器稱知與行臻心存激揚  
學究天人騫清翥要歷敷愈寅班巍秩聳文雅益著  
矜持待時沉浮隨世乍履西銓猶不以施以休戚臣  
負柱石姿宣祖寔倚末命之悲逮際昏惑譖慝構殃  
罪擯怵惕積有星霜肆予初載首擢登崇揀選陶甄  
一出公忠士以之多國以之華爰虛鼎席側佇和羹  
延升首揆望洽蒼生數四年間事多蒼黃險阻艱難  
共予備嘗以予寡昧遭時極屯若涉溟洋浩無涯垠

方期再揖弘濟元元天胡不憖奪之斯速如魚失涿  
若鴻靡翼內逆雖夷外信將迫兵無可捍亂已大棘  
予將疇依疇與為國邈彼蒼天胡寧忍酷痛悼入骨  
涕淚交敷茲遣禮官虔薦微薄

如製教李昭漢製

領議政吳允謙賜祭文

生鍾間氣踔乎等倫温然如玉席上儒珍早得依歸  
俛首下學研窮典墳直尋路脉詩書大業儼其典刑  
賓于國庠士林盡傾學優而仕化洽專城旋擢巍科  
有壘敷歷正以斥邪清以激濁寔為邦彥皇祖有臣  
未究其用則遺後人世事嬗變時不可為力扶倫常

凜乎厥辭闢海使役搓路初通人擬死地卿仗其忠  
再涉風濤一視夷險邈矣麗相方之無僭逮予初政  
俾卿作憲有直有風具見忠悃予用嘉悅亟畀以銓  
遂傳元良羽翼胷遙感激風雲凌厲虹烟左右俱宜  
益隆望實予念宰相宜用經術迺峻其級百揆是宅  
之下三台胸中五色從容端委坐鎮雅俗謙恭禮士  
不怠吐握位極上公家立四壁年齡雖邁精力尚強  
江湖廊廟晚歲行箴倚毗之篤終始無替庶幾共貞  
克有匡濟邦之珍瘁卿迺先逝一老不憖天何茫茫  
士痛榘摧予悼鑑亡聞卿易簣神氣如常東首拖紳

晏然觀化存順沒寧如卿者寡嗚呼已矣卿不復作  
嗷嗷赤子孰拯其溺皇皇衆職孰補其闕疆域多虞  
孰救抗捏朝廷有失孰獻箴規追惟耆德永想風儀  
臨朝有盡此心何極茲遣禮官替奠泐酌不昧者存  
尚冀歆格大提學全  
益熙製

領議政金瑬賜祭文

大厦拉攏維棟斯制四極傾圯非鷲曷揭繫降惟岳  
有資自帝宣廟所培社稷之衛古稱非常亦曰不世  
願予初潛與卿相契血泣忼慨日月晡曠胡忍宗祫  
其胥淪替身許列聖首畫大計鐘鼓寔靈忠義以濟

微管則邦論可最第登庸其徐人如望歲文武為憲  
何往有泥相乎將乎安危攸繫肆委庶務靡鉅靡細  
訐謔固藏頽俗已弊繇予否德國步荐蹶及卿備嘗  
保茲旒綴蕭牆不戒逆節辟睨賴卿沉謀旋掃妖沴  
鼎呂增重帶礪申誓念卿在家庶寬勞勩謂彼神明  
相我愷悌云何棄予倏若委蛻告予以訣勉予不逮  
三復昌言一字一涕太廟喪龜中流失柁嗟嗟人亡  
岌岌國勢邊鄙日聳疇遏狂獍朝著未靖疇任調劑  
疇能舉材俾無淹滯疇能翼予免于大戾予其奈何  
今焉長逝不昧者精庶歆斯祭知製教  
黃床製

左議政李廷龜賜祭文

粵在先朝運屬文明如黼如黻有斐群英際會亨嘉  
焯赫其聲孰踔等倫皇祖知卿珪璋賦質江漢炳靈  
宏材挺拔識度淵淳學綜今古文擅典刑廉持水蘗  
量涵滄溟夙闡大科羽儀天庭玉豈容點刃始發矧  
命密金鑿早掌絲綸陳力獻替席上懷珍為左為右  
有君有臣否運初祛國罹譖人貝錦無停天子聽瑩  
草掌膺簡筆化丹青單騎賈路躬拳皇扃厚誣克洗  
若覲於雪環東一域昭揭日月界以邦賦聿峻其秩  
秩禮彬彬寵命彌渥文壇執盟譽延上國遭遇始終

曠世契合灑血蒼梧弓劍靡及頭上恩貂至今遺澤  
曩值昏季倫常數滅故老元臣駢首縲絏宮門一鎖  
天地閉塞湯火在前白日轟霆力扶正議摧甚寸筵  
朝夕湘潭棲迫郊垌一起一躡惟德之馨佐予新運  
果叶風期輔養儲嗣喜得明師顛沛艱危一心匡裨  
式微海嶼主我熊羆有謨斯聽無施不宜遂光大拜  
造列左揆恒存小心務持大體休休有容允矣愷悌  
詩書法家冠蓋名里疇不欽仰一代福履引告以疾  
久曠巖廊洛社優遊庶幾寧康奎星沉彩台躔晦光  
秦春輟響蜀壘含傷鳩杖肩輿無復丹墀胡不百年

予懷之悲追惟考德永傷風儀泉滄何感卿有二兒  
塾溺誰濟予失老成即遠有期怛然哀情

知製教具  
鳳瑞製

右議政金尚容賜祭文

位極人臣人所謂貴貴而失節何貴之謂慷慨殺身  
雖曰取義從容素定乃義之至惟卿處死獨得其善  
名相烈士合為一傳紫焰燦蒼長虹繞闕身歸天上  
名滿人間邦家不幸值此大敵倫紀將墜賴卿扶植  
忠貞之臣繼有作者禮義之稱無愧華夏粵予小子  
始未克知慎於用典褒錄差遲門焉未旌祭不以時  
至今慙赧雖悔何追卿則忠君我實負卿將何補愆

以慰九京茲用醪羞示予深誠一觴酌地萬古風聲

大提學  
金培製

頌議政洪瑞鳳賜祭文

名門毓慶間氣斯世姿邁而疑識穎以詰發為文章  
鏗金戛玉之才之德畀付之篤齒齡釋褐芳譽藹蔚  
騫清翥要銓注論思佐擯華國翮羽其儀甲占重料  
錢選萬中陞朝用嘉詞垣色動屬當疇曩倫數紀素  
卿坐屏斥不隕奚愠確然秉操任他萋斐而邦之捏  
宗社焉依卿追殊遇一味感勵爰際鼎革協贊有濟  
功存支厦岱矢如礪矧卿宿望朝右勘逮何以酬之

文苑補遺 卷二十一  
文衡冢宰甄拔惟公煨燬若采憶歲戊辰通凶釀亂  
燃眉之急指顧弭患暮夜惕踊匪卿孰萃智炳幾先  
忠能盡瘁肆採國論進陟台庭予恨其晚卿懼其盈  
謙鳴有終儉著五統終予艱棘借箸幾多亦粵南漢  
危甚三版奔遑泥路迄猶在眼卿辭恒切予眷累新  
奈茲瘼矣如涉無津仍之荐饑將至胥淪疇克衣袵  
以亨屯遭乃睠遺老存者幾人卿雖美疾所冀勿藥  
民之無祿樛木遽折邈彼蒼天胡不憇遺如魚失涿  
誰與有為卿言盈耳予淚自濺曠度清修今難復見  
亡鑑之慟久而愈劇茲遣禮官式奠菲薄靈如不昧

迎于予格

知製教中  
翊全製

頌議政崔鳴吉賜祭文

不世之才應運而生文章贍敏識見通明妙齡闡科  
九臯之鳴未展其步遇昏而躡贊予初服始伸乃志  
際會風雲密勿訐謨功高盟府臨遍名途烏臺玉署  
有蜚其英佐貳三曹以大厥聲擢長天官兼秉文衡  
心存調劑用人惟公迺判度支國計以豐逮拜宗伯  
典禮極備西銓京兆戒飭訟理體府軍謀沛有餘地  
明達時宜遇事無難封章剴切披臍抽肝發外英華  
滿腹精神故予任用異諸廷臣丙子蒼黃欲言則傷

一片孤城宗社其亡捍予于艱執予之鞫奔走周旋  
盡乃心力擔當國事膽大于身爰立于朝僉曰其人  
干戈甫定百度廢墜頽網漏網畢舉無遺再入台司  
益竭勞悴倚毗之隆在廷無二危機猝發顛倒北去  
羈留異域再罹寒暑神明所佑辛苦東還四載沉綿  
儀絕朝班日以羸削蓋緣憂國予軫于懷藥餌相續  
卿病雖劇卿年未衰庶幾良已復見設施天何奪速  
可惜于卿言念時危孰效忠貞中夜以思涕淚如傾  
頌議政申景禎賜祭文

於戲惟卿德門人傑氣稟星斗精鍾喬岳器度凝遠

鑑識瑩徹義烈傳家忠赤滿腹初登虎科歷試郡邑  
遭時昏亂幾年落拓逮予初服乃奮忠烈力扶綱常  
功存社稷勒名鼎彝圖形麟閣晉室舅犯周家申伯  
義同休戚夷險不擇大小機務前後履歷一乃心力  
奔走無射予故委任俾領軍實組訓嚴明區畫密勿  
頃值陽九蒼皇播越風雪孤城辛苦執鞫以死捍衛  
登陴泣血喪亂以來眷注深篤既長司馬旋登鼎席  
賢於夢卜倚如柱石有子有弟亦皆英特或守雄府  
或授閩鉞國于今活伊誰之力上燮天緯下隱民瘼  
寅昏廊廟不遑寢食一疾沉綿亦緣憂國繞陞首揆



遽聞病革予切愍然尚冀勿藥胡不憇遺天奪斯速  
都人罷市衛士掩泣嗟予涼德遭此抗捏艱虞日深  
康濟無策邦國疹瘁木稼為孽勲戚無多又喪良弼  
予將疇依予心如失鎮物之量經邦之畧一朝去此  
將復何適追思平昔典刑如昨沙堤疢寔九原難作  
遣官替奠恨未臨哭靈其有知庶幾歆格

弘文提學  
姜栢年製

右議政張維賜祭文

惟予寡昧不吊于天遭家多難金革連年二三賢相  
相繼棄捐何知今日又喪卿焉卿在弱齡有聞藹然  
文章星斗道妙天淵三傑子房十策齊賢幸喜並世

期以陶甄風雲一堂圖畫凌烟擢長天官兼秉文銓  
朝野屬望莫與齊肩徂茲兵燹八路腥羶國勢岌岌  
朝暮難全弘濟無人待卿扶顛金甌開卜白麻纔宣  
至情難奪敦諭翩翩連章二十血辭彌堅搗謙太過  
未可與權自愧誠薄如渴如煎卿疾益篤毀瘠沉綿  
二豎膏肓無賴俞扁神明扶護冀或少延拆台告妖  
終未獲痊哭何避辰有淚徹泉震風摧棟洪流失船  
社稷疇依兆庶堪憐胡不憇遺恻矣穹玄沙道依然  
海隅新阡冒雨未臨慙負靈筵替奠單杯長跽細檀

大提學  
金堉製

頌議政沈悅賜祭文

喬木世家珪璋令望蚤擢巍科事出名上受知宣廟  
恩顧日渥踐揚華貫周旋禁密為有全才出入內外  
一心奉公華問采大一方節度五道觀察志在澄清  
刁恢盤錯前後歷試鵠厥聲績予惟圖任典刑斯存  
卿能盡瘁奔走寅昏憂國忘家用意至到累年版曹  
不憚勤苦氓征自寬國用亦足及登鼎席與望允叶  
崇論裕議深惟重憲修予不逮補益非細國于吟活  
伊誰之功艱虞日深眷注采隆先朝老成在世幾人  
惟卿宿德寂冠朝紳言為惇史齒尊耆筮三入台司

夫豈偶然有疑則稽罔有所愆庶賴篤棊共濟時艱  
天胡不憇遽夢大還木稼呈災連喪舊弼又失元老

誰與為國

知製教姜  
相年製

右議政姜頌期賜祭文

稟資和粹制行淳篤敦乎孝悌綽有餘力早得依歸  
詩禮澡身溫然如玉席上儒珍大科策名朝喜得士  
遭時孔溷若晚諸已處坎而亨不更其所逮予初服  
時髦連茹首登臺省有疊敷歷正以斥邪清以激濁  
政事文學冠冕士林屬當大昏承祧禮嚴思得好速  
父母之心迺賸德門柔嘉叶卜源茲百福遂誕岐嶷

宗社之慶卿實與有卿心愈小退然自守怕怕其讓  
粥粥其虔直清典禮公明秉銓冰蘖一節走卒亦知  
曩值極蕩邦運百罹孤忠委曲大義分取爰採國論  
進陟台庭予恨其晚卿懼其盈自公退食宛一書生  
從容端委尚有典刑獨持清裁坐鎮雅俗釋負養痾  
豈忘家國江山殆鼓寒暑屢更北望凝情惟予暨卿  
予在靜攝卿困末疾自我不見于今幾月風期雖會  
顏面久濶伊人寤寐我思悠悠神明所相庶幾其瘳  
肩輿劍履慰予如渴云胡一夕樛木告折邦之疹瘳  
天不憖遺諄諄夢語不及其私遙遙計車逝矣何之

言念存沒心焉如割藐茲勝衣授冊有日同休共慶  
卿豈無意胡不少延而至於此城東尺五沙路依然  
瞻彼衿陽已卜新阡怵怵嗜禮懇懇樂善今皆已矣  
何處得見朝無儀表士失矜式亡鑑之痛在予尤極  
茲遣禮官替奠菲具神其享止歆此侑語

大提學金  
益熙製

頌議政李敬輿賜祭文

予憂無疆此日何日春回丙子星紀三軌緬懷遺烈  
而及良臣天惟準備會茲昌辰範我馳驅周道如砥  
玉猷協贊豈曾借義非同伊和有契潛孚密勿訂謨  
披露爰周日暮至痛卿獨與聞淵衷壹鬱待人而宣

文苑叢書卷之二十五  
三十一  
九二利見上治是資雖被敵甚益結主知孔生益養  
天賦為根如竹斯苞澤之以筠獨立不群上竦無附  
為其不遇烏能有布箕騎先返轅弓又墜天定人力  
勝負曷以百世遺耻貽後嗣憂山崩水涸此志寧休  
世級寢降人事漸乖陵擯已拱漢水何歸聖謨忠猷  
日星昭垂驪水馬江接波鳴悲子踐其位怵惕靡寧  
念及遺緒益篤思卿撫時興言匪車匪風俛仰惻愴  
實勞予哀爰命禮官遙奠洞爵卿靈不昧尚其來格

知製教李  
光運製

右議政徐景雨賜祭文

惟徐望族胤胄蟬嫣家傳儒雅世襲紱冕爰及先臣  
遇知宣后邁德不做宜在于後篤生賢佐是父有子  
早標敦朴幼挺淳至一朝敷庭多士拭目冲和內凝  
榮間外發雲路鵬程通道無歧翱翔郎署出入論思  
曩在昏朝剝牀禍迫辟立不撓所守深確逮予履端  
前後按擢既長薇垣有懷必陳俄轉銀臺出納惟允  
澤留邊邑惠加圻輔屢掌憲邦群奸色沮歷試盤錯  
庶事咸秩遂遷司寇長我王國二柄克舉三典不忒  
乃眷台庭委以勻軸予志先蔽時望允協民有著龜  
國有柱石謂永百年共此休戚天胡不憖奪我斯速

庭懸通徹卷衣已復秦春罷相鄭廔輟肆德猷靡嗣  
儀刑長逝悲深國空痛結朝無袞職有闕孰進嘉謨  
王事靡屆孰陳長策往歲章奏是卿絕筆哉此孤忠  
欽彼一木遊神太素卿應自得顧瞻黃閣予懷曷極

頌議政李景奭賜祭文

世有達尊德與齒爵兼茲三者罕于今昔惟卿德行  
根於天賦事親盡力敬兄猶父赤子之心大人無失  
清修節儉終始如一接人以和辭氣溫溫忠厚款曲  
薄夫可敦愛君憂國一念如丹匡輔闕遺周旋險艱  
持已以敬謹慎端莊本之經學發為文章詞源浩浩

應酬不竭碑碣琬琰絲綸黼黻百僚儀刑瑞鳳祥麟  
一代誦慕孺子嬪人惟卿爵位身所自致夙擢高科  
又魁重試臺省館閣靡不踐颺為便養親乍出維揚  
秉筆天曹至掌銓衡賜暇書堂訖主文盟青宮侍講  
竟陟師傅黃閣叅贊乃宅端揆仁者必壽理亦不昧  
公卿之列耆英之會歷數年齒孰居其先比如靈光  
獨存歸然錫以几杖申以公讌薦紳歌詠瞻聆欽羨  
既備三達奚缺五福為世元老鎮我邦國獨恨暮境  
久處閒地綢繆之策逢怒於彼具辭自當捨命不渝  
逝矣邊城兩歲拘幽泊乎釋還再紀泥廢卿名益高

身益寧泰經濟不究時運之阨尚賴孤忠至老采篤  
入告猷謨退進箴規詢及大事若稽著龜繞聞微恙  
奄告長終天胡不遺以輔寡躬卿士庶民奔走咨嗟  
秦春輟相鄭巷不歌魂返箕尾業留縑緗在卿何憾  
惟予增傷

左議政金尚憲賜祭文

乾坤正氣河嶽精英飭躬礪行蘊苦冰清忠孝大節  
文章餘事應時而生為國之紀鳴佩天墀謇謇侃侃  
夏日秋霜不可狎翫時有否泰道有消長松心不凋  
玉操彌亮於皇仁考圖任舊人密勿帷幄儀刑搢紳

擢長喉司俾正履逆中臺紀綱邪駭佞斥迺握銓柄  
士慶於朝迺掌綸命筆翰魁杓孤城風雨愈見精忠  
百鍊其剗萬折必東逝矣北庭天蒼地黑我膝如鐵  
我心如石光爭日月義植彝倫烈烈丈夫仁考有臣  
玉鉉辭榮丘園守貞屬當重恤上下嫫嫫大老入來  
朝廷迺成先后之思勗子寡躬明揚振舉期致時雍  
愧予誠薄罔克有終縱避端委尚賴典刑云胡不慙  
樛木遽傾全歸無怍浩然觀化身騎箕尾名動夷夏  
惓惓遺疏增予之盡未果辰哭替奠洞酌靈其不昧

敬予悃臆

大提學金  
益熙製

頤議政鄭太和賜祭文

有氣祥順播物煙煴凱爾風熏則曝溫其鍾於人  
則德之蘊予識卿資寔出天分亦譬喬岡厥崎巍嶷  
江河渾浩罔見流運凡所利澤蓋不淺近予識卿功  
不在撫摺昔卿早歲發軔鞞蹈艱任重夙彰英聞  
南藩施化西塞遏念太宰提銓司農理鐔長材遠駕  
絕塵離坐遂相寧考績用采奮在鼎鹽梅在服藻粉  
朝章治體尤所斤斤逮予眇冲益切依億事有疑難  
衆所忘忘卿若洪鐘予扣必韻政宜通變或措而紊  
卿若淵阿決彼琴縕予眷誦摯卿辭益懂予尚靳卿

日惠詰訓况卿純嘏無一瑕璽汁考汾陽芬世口吻  
五公表揚積慶攸醞東山偉雅潞公飭謹云胡不慙  
遽有凶問中流失楫大厦摧搖恫茲數歲舊臣凋隕  
矧今憂虞外內朋愠有浚而詛有磯而憤冬而轟燁  
晝且珥暈不有耆考孰圖其債予每感念危勵自爇  
予今紀卿淚為卿技至意所抒予豈卿隱卿應顧享

辨香斯歔

大提學金  
錫胄製

右議政趙翼賜祭文

忠實之資奧博之學志行純篤操履堅確深識內蘊  
浮華外絕德業器量世罕倫匹粵自弱冠即慕瀛洛

矻矻孜孜潛心經籍釋褐登朝聲名早蔚守正不回  
屢奮屢跌逮至昏朝世運屯剝毅然正色指論大憲  
不容于時乃遭外黜投綬歸來安此耕鑿十年屏處  
謝絕榮祿仁廟中興首被寵擢銓曹秉筆時譽最洽  
直學標名後輩莫及再紆特簡遂躋卿列宗伯秉禮  
克慎執物悃幅不欺朝野咸服和厚不偏聖明獨識  
赤子之心惟卿不失事親篤孝曾閔可軼晚為終養  
久于家食皓首斑衣匪間伊覲及際孝廟引處承弼  
端委廊廟謀猷密勿筋力尚強歸心介石一去黃扉  
幾年丘壑憂均進退痛纏存沒元龜莫訊隆棟永折

風流雖邈典刑可則經濟之業本之窮格研究墳典  
富有著述微言邃義多所揮發充養既正施之致澤  
前後百奏剴切明白所樹卓爾事光簡策俎豆儒宮  
清芬共挹適予南巡採訪賢躅睠彼佳城幽明已隔  
九原難作想象遺烈師保舊恩况敢忘忽茲遣禮官

奠以洞酌

知製教朴  
世堂製

### 領議政金瑄賜祭文

邦國之厄偏酷今年天倫痛切襁褓慈捐予又嬰疾  
三朔沉綿誰意此時又喪耆賢胡寧忍此欲問蒼天  
卿早聞道人十已千學有師資忠是家傳存心愛物

文苑補遺

卷二十五

賜祭文

二十八



服膺眷眷達施之業無不精研百家衆技旁通貫穿  
際時昏屯獨立超然躬耕隴畝若將終焉先王初政  
首應薦踐旋魁制科蔚矣高騫為世儀範鴻漸茹連  
剖腸嫉惡不饒善論華貫清要歷敷踳躄天曹佐衡  
俗陋可滷幕府草檄頭風自痊分憂北塞吏懼民便  
仗鉞西湖令行絲蠲丙子朝天航海言還處變盡節  
隨事周旋忠信是仗三役遠燕擢長司寇宗伯是遷  
逮于嗣服誰贊平方瞻一鶚遂叶三鱣蒼生有庇  
黃髮無愆遇事盡言不黨不偏儲宮佳配予所慎甄  
擇卿令孫稱其絃綖盛滿攸戒小心肅虔連章乞身

夕惕乾乾年躋八袞操履猶堅白鬢頽頽人稱地仙  
壽福之經世莫與肩寶鑑實錄蹟著簡編網羅舊聞  
不廢輶鈴扈衛訓局兼綜中權爰及民財請行貨泉  
均賦之政自湖始宣今至十載惠洽閭廛欲推茲制  
以及南垞經營籌畫予命卿專炳炳一念長係細糲  
前日引對攀榻數前諄諄至語豁我憂恟予亦動容  
謂當勉旃旣同休戚庶保長延云胡不慙鷄夢遽圓  
赤心憂國一病是緣妖興木稼星并台躔俯仰無忤  
觀化歸全遺疏惓惓增予傷憐秦春相寢鄭巷哀纏  
中流失楫誰與濟川大厦將傾誰與扶顛靈其來格

誠在言先

知製教  
趙備製

右議政李時白賜祭文

氣稟山河生為社稷器度宏偉性資純篤行修家庭  
訓承名父依歸麗澤哲則賢友業勤貞笈不事章句  
身在布衣人期宰輔時當昏穢志在匡濟咸推智畧  
實幹大計闔門奮義協戴聖明丹青帶礪父子兄弟  
歷典三輔牧御斯并吏事傳經詩禮為將一片南漢  
屬任保障秦寇奄迫晉城為歸悲茄四面天步重圍  
分城而守灑泣登埤拚衝夜舞敵人內薄六中于肩  
沫血奮擊于今國活是誰之功逮至事急兵譟行宮

朝廷見贊舉城瀕洞卿獨秉義一軍無動大節較然  
辭立千仞擢長冬曹秩卿京尹七八兵部兼摠圻旅  
日討申徹戎政悉舉再膺天官仍掌宿衛軍情爭屬  
士望攸係乃登三事位冠巖廊鞠躬諸葛大體博陽  
輟謝居閒憂世一心迹其生平俱有可尋誠孝感天  
精忠貫日言行無異表裏如一恂恂長者溫溫君子  
當官謹勤與人信義家傳清白節苦冰蘖食常稱貸  
家無餘粟婦孺皆知舉世嗟服篋書難下亂臣近出  
熾絕纖芥諒由素蓄灑落昭融魚水舊堂白首三朝  
歸然靈光郭相勲名潞國齒德民瞻喬嶽國依柱石

云胡一疾奄忽不起士吊于朝民哭于市幕府淒涼  
台增疢寔事業風聲千秋竹帛有弟共貞竭誠循國  
半歲之間相繼歸盡豈伊家酷寔關邦運朝有得失  
誰復懃懇半藁遺章猶見哀赤三尊兼備卿又何戚  
一老不遺予恫靡極日月有時殞塗將啓遣官告訣  
冀歆奠酌大提學趙復陽製

右議政韓興一賜祭文

偉質外著純誠內植承家孝友事上忠樸盛之玉堂  
有所補益佐于銓部不違衡尺惟久喉舌于宣藩臬  
荐長臺閣不隨不激逮予嗣服眷注斯篤遂自家宰

進當鼎軸遜避雖勤輿望實愜萬里之行值卿淹疾  
卿無幾微見於辭色幸適其歸黃扉重闢天胡不憖  
竟至不測豈其道塗霧露外襲豈其衷謝榮衛內削  
言念及此悲涕難抑時艱如許渺然人物卿又逝矣  
疇與共國柳莊之殺衛侯之哭臧孫之亡魯公之惜  
茲遣禮官代奠洞酌靈其不昧庶此歆格大提學蔡裕後製

左議政具仁垕賜祭文

蟬聯望族焯焯家聲勇冠一時早好談兵氣壓儒酸  
學萬人敵名登虎榜世稱武畧屢典郡邑蔚有聲績  
遭時昏亂宗社將覆密贊謨猷一乃心力藝倫再正

勲耀麟閣山河帶礪永世休烈富固自有貴列祭戰  
功大心小恒自我抑分閩南陲海防無缺逮長西銓  
輿望允協拜大將軍誦令嚴肅戎政修舉將士悅服  
逆豎謀亂變起肘腋頃刻之間事將不測賴卿設機  
旋即伏法社稷之衛功高寧國遂登台鉉中外之望  
身佩安危位兼將相親則肺腑義共休戚是我股肱  
倚若柱石屢貢封章力求退避暨許就閒以安其意  
年齡雖高氣力尚強釋負將攝再期巖廊云胡不憇  
星隕一夕未疾至此邦家之危金相纒亡卿又棄予  
予將疇依有淚漣如予或有過卿則言之今其已矣

予懷誰知部曲淒涼未有所屬每當輪直增我愴惻

茲遣禮官代奠泐酌靈其不昧庶幾來格

知製教李正英製

右議政李厚源賜祭文

器局端嚴性行簡潔早從賢師學禮勤業公輔之望  
已自弱冠矧以宗戚素蓄忠款遭時昏濁宗社幾危  
斷科守靜藏器待時佐我仁祖傾否回泰奚倫再正  
大義昭揭勲銘鐘鼎刁試盤錯旋登桂籍蜚英臺閣  
出宣惠化嶺藩湖臬入告嘉猷籌司經席先見之明  
人莫能測其於時務益所通達當事果斷臨危慷慨  
剖方自持儼其風采逮于先朝眷注深隆再長天官

文苑叢書 卷二十五  
用捨至公執憲掌禮蓋其餘事及夫大拜允叶公議  
士林推重朝野倚仗贊襄至理人所願望嗟予不吊  
奄遭大割榮榮在疚臨深履薄予所仰成只有耆舊  
卿亦殫誠志切匡救身佩安危義同休戚沉綿一病  
亦緣憂國神明所相謂造有喜杖而造朝予唯日跂  
天胡不憖遽奪良弼齋藥遣醫已矣無及一封遺草  
字字忠赤披展未半悲涕自滴御天之什警民之編  
刊行今日亦豈偶然觸事興感愴予中情隆棟已去  
大厦誰擎九原難作儀刑永隔遣官替奠庶幾歆格  
領議政洪命夏賜祭文

奎聲之章砥礪其行棟樑之材松栝之性乃祖乃父  
暨兄濟美生身名家夙為碩士將降大任天故拂蓋  
玉汝于成患難憂戚晚擢高第即見騰騫同朝名勝  
無出其先置諸邇列左右俱宜授之言責風裁獨持  
暫出南邑民有生祠及際孝廟益結殊知朝遷夕拜  
歷敷華贊才無不周職無不辦始秉銓筆至于冢宰  
鑑別品流陶甄一世度支司馬尤著聲稱民曰父母  
臣作股肱肅明繼照爰陟黃扉雍容廟堂日贊萬機  
若濟惟揖若早惟霖模楷朝著領袖士林望如山斗  
身佩安危相乎將乎宛一布衣冰蘖之操世罕其儔

庭不旋馬地無起樓奉使投金特其一事忠勤兩朝  
鞠躬盡瘁何期一疾奄至不祿九重震悼百僚奔哭  
士民相謂國其如何春杵輟響行路交嗟藐台小子  
始就外傳庶薰德範永承輔導今其已矣曷任悲怛  
年在幼稚禮有廢闕茲遣宮僚替奠薄具靈如不昧  
尚垂歆顧

知製教李  
端夏製

左議政宋時烈賜祭文

粵在丙子運值陽九天崩地拆三綱乃數肆我寧考  
赫然而怒思奮大義寤寐英弼曰惟傑人應期而出  
一念契合臣主知己半夜通英一堂魚水大業未半

弓劍遽遺宇宙一身攀踊莫追夫何晚暮讒搆間之  
至冤莫白飲恨而沒追惟今日只自怵怛蓋卿稟賦  
山河釀毓天既篤生復資以學門路整嚴規模宏達  
探賸研窮用遍普博發揮蘊奧如星如日開誘顯蒙  
不揚不墨兀兀孜孜自少至老遠承考亭平步大道  
成就造詣出類拔萃文實在茲道不墜地士知矜式  
為世宗師事有疑晦為國著龜言其氣像卓乎辟立  
論其所守確乎不撓堅持莊嚴老而彌篤所以末俗  
益招仇嫉至謂亂統萬不近理已已封章斷無他意  
當時遭遇迥出千古有疾始冊特一引諭神明在上

心事可質讒言交亂予莫省察欲說其詳言之慘毒  
荐棘何故後命奚罪皆予不明雖悔曷逮大老云亡  
國事日非民彛將絕孰執扶幸天啓衷旣迷而復  
舊臣登庸群枉畢雪天道福善厥理不忒卿不負予  
予實負卿將何補愆以慰九原磊落高躅山岳同瞻  
悠悠予恨河海共深禮因情飾哀以文泄茲遣近侍

替奠菲薄

知製教金  
夢臣製

右議政洪重普賜祭文

於惟先卿忠烈卓爾卿世其家以濟厥美惟卿資稟  
寬大重厚自在韋布人期公輔早魁蓮榜華聞藉甚

俄丁喪亂無復世念仁廟軫恤特授以職旋決大科  
慈命所迫翰苑珥筆胄筵侍講出補嶺邑為便親養  
寧考在儲器其為人且取先懿首結親姻臺省清班  
雅望方洽文武兼才擢用是急圻輔闕坊江都鎖鑰  
恢然遊刃眼無盤錯軍民庶頌聲實俱彰入管樞要  
雍容廟堂逮于嗣服倚任愈專暨其叔父後先周旋  
卞長臺憲之見風裁暫為守禦亦有遺愛歷判諸曹  
最久本兵兼理奎吾政刑稱平部曲掾吏所至歡欣  
心惟盡瘁務不悻煩接人之和如飲醇醪客物之弘  
若環山藪平居談笑無復長短默運籌畧靡事不辦

爰立作相豈須夢卜庶其惟直平理邦國頃遭不安  
遜于江郊予不釋卿連沓其招入叅大禮相見屬耳  
邠知一疾奄至不起百僚相吊涕洟咨嗟秦春輟相  
鄭巷不歌艱虞溢目失此良弼觸事興懷曷任痛怛  
精抄建說慮深且永環衛可壯經費可省事雖就緒  
效猶未食卿今已矣誰可代屬日月斯邁遠期在近  
缺

知製教李  
端夏製

領議政金壽恒賜祭文

仁廟在宥有臣文正精忠諒節日星與並卿承厥武  
才美夙穎端凝其度莊穆其性再鳴魁元華聞日競

雲霄寥廓晉塗無梗暇豫湖堂優遊禁省清文雋藝  
高厲長騁推轂詞垣久主文柄握銓天曹共推藻鏡  
賓筵調護繫賴箴警位登三事撫齡猶盛雅量推安  
清名埒璟賁飾鴻猷若時布令如藻在服若梅和鼎  
肆我寧考庸托末命輔予嗣服允釐初政奸凶內燬  
語逼慈聖惟卿慷慨一封忠鯁誠詰勤勤忱悃耿耿  
良規不效毒螫已逞朗山鏡峽載奔載迸風霜侵剝  
在卿奚病渚灘改紀寔天所幸卿來自東朝野相慶  
衛士加額鄰民懽迎時當噬嗑務持哀敬匡時責大  
體國誠炳彌綸百度濯洗衆眚十載謨謀凜凜魏邴



夫何世故糾紛難平乍解機務甘就閒屏宵人砥礪  
廣張機穽忠胡見疑讒莫克省鯨海粘天域弩伺影  
臺章織貝宰疏擠并純誠未暴寃自難瞑處死從容  
益驗素定天星屢變抱恨罔竟零虹一廓太陽回景  
化理維新品物咸整追惟疇曩愧悔相併念卿忠貞  
神明可證究卿名德竹素可暎昔卿兄弟勻軸迭乘  
思專眷委庶贊祈永際遇無終心焉怲怲茲復褫鞶  
更申薦洞事光祭蕭情深憶鄭如製教李  
寅燁製  
頌議政金壽興賜祭文

恭惟寧考顓俊夙席卿時脫穎首膺簡在忱恂于行  
直方而大陟繼一德暮有祖烈藝苑金鑿華間藹蔚  
英猷經遠精識造微置之論思殫心塞違擢長銀臺  
封駁惟幾澄清京兆梳濯地部再掌戎權一幹留務  
歷試既遍爰登相府伯仲相繼左弼右輔補完袞闕  
陶隆景化雲雷方展禍機潛惹統履無差衡繩自左  
屏居窮峽靜斯研精毫分義理力探明誠藐台嗣服  
眷毗老成中間十載否泰相乘再卜端揆視猶股肱  
壬人投隙讒舌復興重輪普慶謂卿不願高極正踣  
謂卿所憚肆意組織勒成罪案匪不壑讒告者三至  
遂投荒裔奄經數禩銀信猶遲丹書莫洗危深刻膚

文苑補遺 卷之二十三  
禍慘同氣抱冤莫白齋恨泉裏尺霧既去天日復新  
有枉皆正何屈不伸知卿本心可質鬼神察卿誠忠  
可貫金石今雖大覺九原難作憂愛之忱勤勞之績  
畏人之操救時之策求之今世不可復得賢範不遠  
風規愈邈追惟舊事惕焉悼惜

知製教世  
受憲製

左議政鄭知和賜祭文

古稱故國非謂喬木厥有世臣襲紹勲德休戚與同  
忠貞以篤賊我卿家甲於世族承承七世八人秉軸  
邦家式賴善慶攸毓而卿偉器更出天得儀容魁傑  
氣象整肅識慮沉凝才猷瞻之嚴不失和廉不違俗

持此純美謙虛自牧謹勅家訓蓋所習服妙歲龍頭  
大奮鵬翮遐軻再發晉塗自關的的磚花凌凌臺栢  
由庠陟峻望隆實積內佐銓選躁競路塞外按藩翰  
澄清譽赫宗伯秩禮司寇明辟試輒有濟績用累蓄  
遂登台鉉家聲是續前後金甌三獲厥卜耿躬之托  
股肱心腹然卿秉志每在遜抑榮寵所加逡巡形色  
高而不顛滿而不覆凡有猷為務遵規格口絕黨論  
心存啓沃人瞻典刑予仰耆宿邇來告老久辭鼎席  
跌宕耆社優遊散局斬卿百歲益膺晚福誰謂一疾  
遽爾不澍老成云亡國之無祿從今前席不聞忠告

感念疇昔增予傷盡遣官錫祭抒辭敷幅

知製教尹  
德駿製

右議政李浣賜祭文

天資剛毅器識敏達箕裘踵業弱冠投筆超群拔萃  
聲譽日隆無雙才氣有隴西風初命守邊魏尚雲中  
劉孽梗化睥睨海東運籌戎幕名徹聖聰仁祖嘉乃  
注意非常爰陞紉玉仍授閩鉞政行惠洽士附民悅  
時值艱虞天地慘黷志在殲敵身控鳴鏑績雖未成  
可見忠赤秦苻無已禍纏薊北卿當復徵不忍提兵  
臨機善應義烈彌彰銀臺之擢寵邁等列統制之寄  
位極藩臬及事寧考最荷知遇視如股肱殆未足諭

或尹京兆或長秋曹身摠兩營典兵三朝唐世汾陽  
漢代嫖姚俾輔後人豈在英豪故予嗣服倚毗愈篤  
頃昇本兵終丐閒局蓋數年來固辭爵祿金甌卜名  
望叶加額撝謙太過章牘屢至因山期迫暫起視事  
予方虛已佇聞嘉猷居然病甚公叔悲乎一篇遺疏  
諄諄軍國執書以迄予甚愴惻噫今國勢若涉大水  
中流失楫社稷何恃天不憖遺九原難作日月荏苒  
將就寃窆肆遣禮官薦以菲薄靈如不昧歆此洞酌

知製教  
李憲製

文苑黼黻卷之二十五

文苑黼黻卷之二十六目錄

賜祭文二 相臣

領議政權大運賜祭文

右議政許穆賜祭文

左議政閔鼎重賜祭文

右議政李尚真賜祭文

右議政金錫胄賜祭文

領議政南九萬賜祭文

右議政鄭載嵩賜祭文

左議政李端夏賜祭文

右議政趙師錫賜祭文  
領議政呂聖齊賜祭文  
左議政朴世采賜祭文  
右議政尹拯賜祭文  
左議政尹趾完賜祭文  
右議政申翼相賜祭文  
左議政尹趾善賜祭文  
領議政徐文重賜祭文  
領議政崔錫鼎賜祭文  
左議政李世白賜祭文

右議政閔鎮長賜祭文  
右議政申琬賜祭文  
領議政李會賜祭文  
右議政金構賜祭文  
領議政徐宗泰賜祭文  
領議政金昌集賜祭文  
左議政李頤命賜祭文  
右議政趙相愚賜祭文  
左議政金宇杭賜祭文  
右議政趙泰采賜祭文

左議政李健命賜祭文

Blank area for the main text of the memorial service.

文苑補遺卷之二十六

賜祭文二 相臣

領議政權大運賜祭文

花山名閹太師賢裔世篤忠貞家傳詩禮鳳麟其姿  
金玉其相愷悌之性孝友之行粵自通籍名譽已蔚  
歷事累朝恩顧日渥授以言責人推鯁直處之經幄  
寔資啓沃選部秉筆藻鑑孔澈燕雲飲水紀其勞績  
夙夜俟舌出納惟允一麾便養牛刀恢刃京兆佐貳  
松京居留職無不辦材無不周薇垣之長出按閔臬  
夷險一節外內俱適秩以才陞掌國之賦荒歲主賑

民賴拯救因山敦匠位躡崇班禮秩常伯訟息秋官  
金吾奏當司馬詰戎歷試之殷注意之隆予惟簡拔  
爰立黃扉雍容廟堂密勿猷為昕夕納誨匡予不逮  
清標雅量冠冕一世靜以鎮物謙以持已門無雜賓  
閔節不至室如寒士垣屋不治望實俱叶倚毗愈眷  
中更變故始泰而蹇十年嶺海萬死間關思用舊臣  
赤烏東還郝民加額摺紳聳觀金甌再卜魚水重歡  
人間達尊國中元老錫以几杖用侈恩數首議建儲  
誠切憂愛累陳異贖志堅求退手札勉留遐心幸回  
法醞催宣歌以賡我君臣契合千載一時事有大謬

寵辱相隨逝矣南土恩袂又佩追惟已巳予實咎悔  
卿於前席竭誠匡救鎮定之誠母子之喻忠言剴切  
有足感人請存名誦繼以劄陳字字懇惻益見忠赤  
由予不察竟未採納規諫莫賴屏逐堪憐肆因疏釋  
特許歸田矜陽僦屋計活蕭然優游晚境尚旺精力  
天不憖遺凶音遽徹諒卿平生為之痛惜委任已久  
心事予知况卿廉操為世所推亟還舊秩庸示嘉嘆  
臺章雖激予允終慳官庇從事哀榮旋極禮以日就  
即遠期迫爰諏邦典替舉奠儀不昧者存尚冀歆斯

校理李  
徽龜製

文苑補遺

卷二十一

賜祭文

二

右議政許穆賜祭文

岳瀆胚靈箕尾降精偉度淵弘德宇天成夙多賢師  
揮發道蘊薄遊儒宮扶植士論棲遲丘壑玩心墳籍  
攻苦食淡銖累寸積發為文章西漢先秦間遊篆隸  
籀骨蒼筋厖眉古貌望之如畫鶴鳴在臯厥聞益播  
肆我聖祖加璧于帛置之臺垣頽網以肅粵在己亥  
龍馭賓天孽臣亂統謂非嫡傳禮壞倫夷貶上降尊  
厥端方懔衆噤莫言卿乃抗章引經痛辨辭嚴而正  
義明理順群小護黨顛倒國是斥守于陟東海之涘  
投紱言歸徜徉泉石居間養冲年十有六於皇寧考

攷禮正訛罪人未討仙遊遽遐予庸痛傷聿繼先志  
收名幽潛屏黜邪偽卿造于朝一馬二童衛率加額  
士林望風乃摠于憲乃長于銓乃立之相一歲超遷  
泰山喬岳利澤嘿運九鼎大呂邪俗以鎮遠猷宏謨  
若決龜策忠言正論如獲藥石桑榆縱晚松柏愈茂  
資卿啓沃補予闕漏不幸庚申奸壬秉國搆衆成案  
彼譖罔極陰伺密詗憂畏百端匪軸匪邁有門常閔  
愧予小子恩禮未率俾我元老茹恨就木故於前秋  
已復卿爵殊禮莫施常典亦缺逮及更化起廢伸誥  
昔時諸僚咸造在列惟卿碩輔獨闕重泉緬懷儀容



能不凄然茲輯遺文用壽其傳且官卿後以奉厥祀  
新岡卜吉幽窆將徒爰命大奠禮敦官庀敬遣近侍  
式薦芬苾靈惟不昧庶幾歆格

校理權  
敬製

左議政閔鼎重賜祭文

粵昔聖祖彙拔髦英卿為國瑞不愧科名氣宇峻整  
天稟剛方移孝事君忠勤夙彰受知寧考眷注出常  
皂囊騰輝玉署揚聲鸚立朝端陽鳳頻鳴凜凜直氣  
勤勤章奏究厥素守實資師友歷試內外厥績懋著  
迄典南徼冰蘄自礪奸猾屏縮島夷罄服先王則哲  
際遇采芻始擢諫議俄長芹宮教先明倫訓深擊蒙

出接北關痛掃宿瘼文饒籌遠安定興學入參八座  
悉委機務經綸大才到底有裕司農理財政先邦賦  
燕都拔玉越橐如洗適丁歲儉蘇濟凋瘵俾我赤子  
賴免溝壑民曰父母國有梓石弓劍既遠俾輔于後  
暨予初服倚毗匪耦宵人甚間蟻弩潛吹七載去國  
屢遭駭機一陽來復雨雪曰流赤鳥初返載卜金甌  
庶政昂新朝野拭目端委廟堂百僚矜式及聯肺腑  
愈執謙退休戚與同誠篤憂愛不幸頃年朝論歧異  
調劑辛甘繫卿是倚觀卿進退理亂攸繫曩日之事  
嗟臍曷逮恤佞乘機讒說肆行群憾蝟起三至虎成

文苑菁華卷二十一  
孔范忠言予胡莫察枉加摧僇累及賢弼逝矣荒裔  
寃深泣玦衆邪益張必欲甘心予志堅定竟斬俞音  
凶燄雖戢赤舌猶銛霜露成崇一疾沉奄邦之疹瘁  
天不憖遺士林驚慟行路涕洟泰運重回朝著維新  
壺儀既復慶溢臣民恩章愍典遍及幽明先朝耆舊  
殆盡凋零眷言碩輔牽復舊秩知製教金  
宇杭製  
右議政李尚真賜祭文  
大臣事君震薄不撼忠言納約久而益驗往在己巳  
大有更革事關倫常由予否德雷威所觸有諫而死  
繼降禁令群下懾畏卿等露章敢言所難割瀝肝血

字字衷丹言逾三進誠冀一悟願余莫察反寘于怒  
青海絕域昔賢彷徨荐棘于此於卿則光即又賜環  
非待人言優閒田里聽其自便皇穹不憖奪我元老  
甌卜未再鑑亡何早哀榮畧備恩禮尚歎報不稱德  
嗟予罔念小紀纒變天有顯道壺儀重正萬物咸覩  
不遠而復惜不令見撫卿平生豈名一善維岳降精  
斗南一人聖祖龍興秉筆有臣逮至孝廟際遇益盛  
感激殊知自任骨鯁禍稔奸兇先幾折萌禮訖喬陵  
諫止觀兵困我之教直臣之諭聖志斯奮尊周大義  
寵擢日隆意非偶然三朝歷事一節彌堅出處非苟

難進易退歲飢承命活我凋瘵兼銓東西仍判金吾  
甄注似濤議讞如子幸不棄孤圖舊共政否泰相乘  
群邪害正三劄痛辨如水投石身違闕庭名去朝籍  
改絃之初首膺大拜巨慝適除宿德是賴扶掖未幾  
乞骸竇遽予方仰成終莫之許持論公正物我無貳  
年少喜事卿不安位凜然辟立不驚寵辱追唯往事  
惕焉多忤斯人違危先正撤享衛道之言予迷不諒  
凶孽囚案王府則有謂卿自擅甚矣誣搆嗟卿行誼  
沒有餘輝盡忠所事惟孝之推况其清操於古亦少  
屋無數稼田無一畝官高槐棘薄如寒士末年樹立

尤為卓爾扶植人紀如日昭揭興言及此悔惜何逮  
前時一真祇循舊章欲加殊禮用表不忘曲江寒日  
墓草已宿想像風度邈矣陳迹別遠近臣中舉洞酌  
不昧者存靈其敬格知製教洪  
受疇製

右議政金錫胄賜祭文

詩禮名家世濟厥美乃祖乃父實惟篤棊及卿之生  
是續是似材博而通器淵而偉巍科大鳴晉塗如砥  
臺省之華禁庭之邃騫飛歷敷荷橐持被掌我綸命  
銜帶三字間赴萊州遠人是慰遂秉選筆令聞益貴  
晉幄燕筵昕夕迭侍日奉閒燕不違外試匪因肺臍

自致顯仕擢置喉舌先朝之季逮予嗣服寔隆眷倚  
進亞天官同莅國子樞庭宥密俾叅大議主盟詞垣  
再執牛耳既以文揚亦用武理兵部統師將壇受委  
左右俱宜或經或緯予時蒙蔽柄用奸宄霜冰積漸  
狐鼠內熒禍孽潛萌王室將燬賴卿忠猷撐柱傾圮  
屹然在朝若防制水陳侯深念太真明智遂奮其庸  
同我一二炳幾除兇功無與比雲臺紀績圖像有煒  
不世之報山河永指宗社重安國政改紀太宰貳公  
班絕聽履謀猷密勿恩禮優異爰立黃扉位以端揆  
喜均朝野望係遠邇屬時畏天命卿攝使遼塞風沙

不憚行李報國忱誠終始無貳勞極思休恒情一致  
迹避人言戒存寵利屢辭愈懇姑解鼎位兼管中兵  
遠撫前事惟卿積勞迺艱迺瘁縱云斑鬢幸未暮齒  
尚冀神相以究厥施朝登筵席夕以訃至胡奪之速  
恍如夢寐一哭伸哀匪卿誰為喪庀其具奠錫其地  
痛悼何及哀榮斯備方予在疚鏡奩有淚失我元舅  
倍切悲思時月有制祖載將涖茲遣禮官藝香奠解  
靈如不昧敬予至意

大提學崔錫鼎製

頌議政南九萬賜祭文

古稱輔相莫難忠鯁在宋惟先於唐則璟如卿所立

文苑叢書 卷二十一  
曠世可並孝廟作人明颺接影卿為鳳儀瑞于宮省  
巍然岳峙溫其玉暎雄辭博學沛有餘境銓筆激揚  
經帷講證勤勤奏牘諤諤論諍袞闕官邪視為繩儆  
果藝以達亦可從政西原布惠鼓舞疲病北藩宣化  
謳謠間并荆碑涕祐蜀祠誦詠始予藐昧置之閒屏  
遷于瘴海坐觸奸佞彙征之會首膺名命文衡兵柄  
或緯或經豈無群彥賢莫我競進位承弼士民相慶  
風規峻潔政術詳整用舍惟公表率以正事有琴錯  
人或聽瑩恢然游刃中肯蔡犯顏之言欲杜恩偉  
過加嚴譴絕塞重嶺再逐居東擯棄奔迸娛以釣魚

兩竿烟艇屬時回泰復以國聽彌綸輔贊若裘提頤  
護安宗儲爰屈挈令光昭主德肆珍不逞朋仇衆怒  
積困譏評卿思釋任累有聞請予察苦心置若不省  
封章十數終謝台鼎變故層生臺議益橫既貶旋宥  
匪罪伊青勉許引年嗟用不竟跡同居洛詩傳泛潁  
卓乎高風優哉晚景噫卿真亮寔出天性罪謗之塗  
鋒鏑坎穿衆所懾悼吞舌縮頭奮身勇往辭安色定  
火焰金剛雪霜松勁諒節精忠丹心炳炳君臣之際  
知遇亦盛正直之褒百代光耿握手恩深賜杖禮賈  
縱然就閒久踈效警尚詢黃髮辰告正罄眉壽考終

福純年永予猶念舊慟惜交徯國無老成憂深乙丙  
伴官薦酌表予咄哽

副校理崔昌大製

右議政鄭載嵩賜祭文

喬木世家簪纓望族流以源大慶因善積翼惠文翼  
德業輝煌二台承徽望隆巖廊矧惟先卿于國著龜  
兄弟連倫迭拜台司七世八相古亦罕覩慶逾三槐  
門稱萬石卿能趾美襲訓家庭慮遠而深識確而明  
期以公輔爰自釋褐歷敷華塗周旋近密栢府薇院  
春坊玉署靡不遍試華問益著出尹南漢恩威並濟  
待漏龍喉夙夜無懈舊都分司聲績藹蔚予用寵嘉

擢至卿月掌財用裕秉銓衡平一心王室殫竭忠貞  
逮卜金甌深隆眷注視猶股肱望如霖雨唯敬唯恭  
唯勤唯恪寔卿家法儼遵繩墨問樹猶默書馬亦疑  
與物無競先事炳幾論不偏陂語多匡救砥屹頽波  
舟橫野渡啓沃之誠不替終始啣綸燕塞嘖言遽至  
非卿辱命時勢使然卿猶過謙計決歸田身雖在野  
志切憂愛尚冀壽考永享遐福云胡一疾竟至不祿  
失吾良佐曷勝愴悵三年頌廩實出追想茲遣禮官  
替奠洞酌靈如有知庶幾歆格

大提學姜覲製

左議政李端夏賜祭文

名相來孫名卿之胤擢自緋衣三世文印事曠國朝  
光增藝苑自在韋布藉甚華間始從賁仕衆惜蹇進  
俄決大科遍歷榮賈志存經世誠切補袞暫試湖縣  
惠化涵潤半年遺愛生祠是建出佐戎幕以重北闕  
首興文教悍俗知勸崇褒忠節士氣丕振內外俱宜  
何職不辦肆我寧考寵以殊簡廊廟叅署胄監兼管  
政事儒術僉議咸允逮我嗣服不替隆眷中經屯否  
荒野棲遁旋復召還位望崇峻嗟卿素心本在遐適  
三仕三已曾不喜愠陸贄當朝章奏懇懇仲淹憂國  
進退惓惓體國純誠予所倚信平生泰筮用作則準

朋亡之義上戒下勉庶幾協和以一朝論狂瀾百丈  
隻手欲挽其事誠難其志誠愍氣乖致災每慮饑饉  
務廣國儲庸備民患果值大侵委卿調賑一心拯救  
謀畫斯殫社倉普設冗費大損欲裕民天永固邦本  
先朝秘史奸黨穢溷白黑互紊公議永泯謂卿世任  
俾卿改纂誣筆一洗衮鉞嚴謹龍門盛業世尤艷羨  
蓋卿文學得之庭訓脫灑允白沉潛古典兼資師友  
探賸奧蘊利義之分明知力踐悃幅不華表裏無間  
推諸施措悉本經傳憂深慮遠豈拘小近千言萬語  
赤心一寸不厭煩復益見忠盡金甌斯卜大化是贊

消長之會奈爾時運痛彼奸凶仇視賢雋曷弩潛射  
黃舌交亂際遇無終予甚有覩並疑同德一斥以殞  
崇終舊章亦且有斬天道可必物極則反冤枉必伸  
流遷皆返九原難作增予傷恨清修苦節憂愛血泪  
今莫復覩天胡不慙興言永念有淚交隕

右議政趙師錫賜祭文

一紀今半天道好還臨朝所思是霖雨賢嗟卿新歿  
而不少須粵惟華閔今代莫如先子尚書外翁丞相  
自遊庠序公輔有望夙摘巍科晉塗斯闢翰苑銓郎  
華賈徧歷惟其恩顧蓋自先朝及躋卿月頻處樞要

唐家度支漢代本兵隨處職辦厥有茂聲肆在列卿  
注意故偏蘇軾忠直他運非緣富弼姓名官妾不知  
寔當故卜名煨琉璃誓天焚香神明可質云何外人  
天意妄測嗟嗟末俗真之一嘅卿惟坦懷不以芥滯  
河海志量宜坐廟堂人雖欲毀於卿何傷群疑終釋  
灑落君臣經綸大手庶令得伸无何蟠螭遽干大明  
群奸間起毒亂朝經厯臣碩輔斥逐殆盡含沙所射  
卿亦不免遠携殘影于彼海曲長沙古今實慚恩薄  
蠻風瘴雨白髮丹忱緣主一病遽傳凶音楓林冷魂  
隱予悽惻幸今天誘予衷開覺赦書一日悉令追回



班行肅穆人望至治回瞻廟朝耆舊多凋風雲慘愴  
昂龜誰調嗟乎賦鵬才隔數月天胡不憖環名未及  
緬懷疇曩悔心實多趙鼎死謫氣作山河九齡已亡  
流涕曲江茲命有司爵復上公

願議政呂聖齊賜祭文

風儀凝重器局泓深休休有容貌如其心坦無畦畛  
夷不偏頗與物無競飲人以和襲訓家庭明經擢第  
聖朝敦親便殿賜對插花登筵臣隣拭目揄揚近密  
恩顧日渥翰苑臺省玉署春坊靡不歷試華譽采揚  
擢置銀臺迭長兩司晉陞大闢人望咸推褰帷南北

遊刃恢恢內外俱宜蓋見通才逮陞卿月眷注愈隆  
三朝畫節一心奉公惟卿恭謹予所深知職顯心冲  
班高牧弭掌地財裕司秋訟平屢典邦禮四秉銓衡  
摠領韜鈴軍情悅服入侍經席語多啓沃予庸嘉乃  
金甌載卜待以心膂視猶手足一時譴責匪怒伊教  
薄言遠謫俄賜環名仍并首揆尚依老成即聞于郊  
寒暑幾更身雖在野心猶向日天胡不憖奪我良弼  
凶問奄及曷勝愴悼追頌廩祿實出念舊遣官替奠  
式陳洞酌不昧者存庶幾來格大提學  
姜觀製

左議政朴世采賜祭文

山河間氣洛陽正學才蘊經綸志在致澤若晚綺純  
朋在麋鹿聲聞九臯禮隆東帛候卿出處汙隆是卜  
聖朝更化圖任耆德起之猷畝用作霖楫宗祊有慶  
事先簡策為賀丹墀暫返赤烏齊民拭目衛士加額  
誥成建中殷迺其職亦煩調護如漢綺角顧台小子  
無所知識一望德儀猶覺敬服方思問業幸賴誘掖  
臯比才設場駒莫繫天胡不憖遽易曾簣失我蕃龜  
摧我樛木重哀悼惜士林恫盡矧台稚蒙于何請益  
昨拜先聖將舉三祝願瞻周行緬懷曩昔典刑永隔  
感涕交集小學劄疑實卿纂輯沒後追進猶帶手澤

知卿愛我至死深篤恭奉聖旨庶贊講習遺書獨存  
九原難作我懷之悲曷其有極年冲道遠禮未躬執  
知製教閱  
鎮厚製

右議政尹拯賜祭文

予惟卿祖抗義尊周亦粵文敬含章篤修道成德尊  
為世模楷石潭遺緒坡山嫡派惟卿善述有的其傳  
薰襲家庭孝悌為先道本忠恕功深博約體驗躬行  
真心實德克養既久仁熟義精弼中彪外篤實輝光  
自在先朝旌招屢加卿有所守永矢丘阿冲謙自牧  
素履獨行終身卷懷大義彌彰中途橫逆累困齒舌

然卿處義予所諒察父師輕重一言以辨允厥曉曉  
在卿何損緇衣之好屢形名旨敦禮靡替眷遇益摯  
欲一識面寤寐思想金甌載卜奚待審像幡然而起  
補予不逮中心介石終始不改素操難奪卒莫能起  
顧予誠淺歎愧交至年高德邵一代宗師泰山喬嶽  
民所瞻依範世善俗斯文有賴身雖處野功利斯大  
聞卿一疾彌月沉綿病裏憂念醫問頻繁天不憖遺  
遽爾易箒邦國殄瘁士林無祿風儀未接窀穸永闕  
緬懷碩德震悼曷已官庀喪奠式遵邦憲縱非雅志  
寧廢彝典爰具菲奠告以忱辭卿靈不昧尚庶格思

左議政尹趾完賜祭文

古社稷臣若宋王寇德量風期蓋不兼有惟卿本末  
衆美咸具純忱勁操遠識偉度襲訓名父齊譽乃兄  
自在童外聖祖奇卿曰似其舅終必大受錫以書籍  
獎勉隆厚早闡賢科即辭榮祿一行棲藩頌溢南服  
越橐如洗殊俗彈敬每問安否如唐襄令燕館有警  
舉國動勦一言息訛類漢王商乍莅北臬旋鎮心府  
器度計慮予所褒諭乃管御營乃長本兵六軍騰歡  
威德大行中年卷懷夕屏郊圻及予改紀爰立台扉  
卿顧難進一味高卧予加敦勉至欲枉駕卿雖強起

亦無久志力求引退便即謝事造朝日淺而多建白  
最重綱紀首請振肅事有經權慮深宗祊予方倚毗  
以仰厥成不幸奇疾永阻周行二紀床第予實愍傷  
忤人問訊言視其家破屋弊被寒士生涯予用感歎  
薪糶是頌雖則在野隱然如山巖巖其大不見運動  
民瞻在茲為國之重此笑河清包老莊穆駐足萬馬  
王公毅確招麾不動寵辱不驚究厥所存惟一箇誠  
惜不左右朝夕啓沃咨以大事燭照龜卜間候予病  
或近京闕忠愛一念篤老采切前秋進言百里舛疾  
卿惟苦心予不深察憂之或過言則匪老未曾開釋

今焉愴悼一老不遺厯碩殆盡延廩錫擲表予崇隱

右議政申翼相賜祭文

文忠遠胄名祖令孫媿質金精文采玉溫以近道性  
承過庭訓咸稱國器大覽華聞蚤通桂籍有儀鴻達  
五載柱史朞月峽治道垣登瀛既翔而翥庸試未幾  
名聲惟藉粵在癸丑卿有封章如疑龜卜若朝鳳鳴  
辭義嚴正言人所難驕宗欽避薦紳聳觀出佐北幕  
凜然風采入受天官愈執謙退西門任重卿乃起膺  
裘帶增威慈惠流聲茂陵書驗嘉卿先見擢之命德  
褒以華袞望實俱隆倚任深篤群彥林林首長經幄

卿惟不屑乃其素履南臬西藩內辭外就崇陰之化  
遠暨峒氓銅以代珉去思之徵欲將晉用為其練達  
退處丘樊非緣疾疾恬靜自守介石愈貞東山雅望  
元祐完名幾年遐邇一歲超遷稱平奏當秉公提銓  
乃卜金甌雍容廊廟惓惓章牘縷縷敷告一則愛君  
二則憂國蓋梅於鼎藻粉于服端委既久老成是倚  
有疑必咨予眷彌摯不幸敲憾遽致跋寔誠發夢寐  
幾勞思想秋風鄉園念卿調養蒸泥屢勤赤烏遂返  
縱副雅意處以樞散顧予依億不啻著蔡豈煩以事  
惟德是賴云胡不慙妖驪圻台中流椀夫大厦棟摧

兩朝蓋臣平生一節時方維艱天遠我奪孰調朋愠  
孰過俗沮慟逾亡鑑悲甚輟杵當其病報醫問相續  
及乎計聞官庀是勅特降一札為軫邦瘁祿終三年  
聊表予意仍命祠部亟遵舊章卿靈有知尚舉茲觴

知製教李  
晚成製

### 左議政尹趾善賜祭文

烏赫華閭世襲圭冕洎乎先卿名德愈顯積慶所燾  
毓祉錫羨卿惟克肖國之瑚璉宇量淵洪風姿偉雋  
標名大科晉塗丕闡胄筵勸講翰苑膺薦玉署銓司  
雅望華踐歲值單闕時事大舛儒賢被枉禍殆不免

文苑補遺 卷二十六  
卿直其寃尺素洞辨朝辭禁掖夕視州篆棲違斥遷  
邈彼塞甸平着險阨一任屯蹇逮予改紀延登舊彥  
卿膺寵簡首入喉院諫省諸曹歷試殆遍北路按察  
威肅惠衍南漢居留氓蘇率練屢貳天官亦掌風憲  
蔚有聲績見推輿論隨時卷懷荒野其遜有除輒辭  
臨謝京輦元祐完名似卿者鮮朝著再朗起卿龍馱  
秩宗才擢邦政繼典太宰提衡公明揀選王府蔽囚  
平允議讞望實俱隆才猷克展爰承揆席寔出殊眷  
卿舅翼憲伯仲台鉉黃扉隸華於今復見平居寬綽  
人服純善遇事確然萬牛難轉李昉仁厚杜衍忠審

勤勤奏劄譬彼瞑眩公屏私鎮浮刷悞仰成方深  
引疾斯荐許卿釋負予實黽勉年齡雖高忠愛靡倦  
國計民憂一心係戀肆予倚毗終始繾綣沉疴遽革  
技窮俞扁木稼興災邦國其珍失我元老感念涕泣  
考典命祭禮官是遣靈如有知歆此不腆知製教趙  
泰東製

頌議政徐文重賜祭文

嶷嶷惟卿文武為憲風儀整肅識度弘遠相門有相  
輿望早屬薄試州府綽有聲績俄擢大魁旋畀保障  
蠲徭峙糗戎備克壯喉司夙夜奉職惟恪爰輯時臬  
以補勻石晉貳民部簡自予心嶺藩素劇煩卿往欽

制置海防條奏得宜廂營缺帥遂膺內移衆喜得人  
詩書鞫畧惠局管賦籌司佐畫悉摠軍國燭照數計  
受命司寇彌自澡礪私謁罔干訟讞稱平中歲棲遑  
匪予踈卿屬時更化俾掌邦政兩筵迭侍三軍兼顧  
乃掌風憲乃判王府黃扉屢闢終陟元輔廣平尚法  
汲公無黨前後奏劄懇懇忠謹謗譽不撓沉凝挺特  
趣絕浮華事必敦確身都將相素節靡渝中閤滄桑  
完名自如引年求退累牘陳情予所靳許寔眷老成  
黃髮在朝為著為蔡耆英一會盛事傳繪誰料末疾  
西遽騎箕風流日遠典刑難追睠焉時象艱虞孔棘

廊廟殆空誰與為國中朝發歎信切思良

頌議政崔錫鼎賜祭文

粵若文忠社稷勲蓋于今國活繫賴扶振觀卿器業  
克繩善胤資性高朗氣則祥順先朝擢第藝苑發軔  
雅度清裁輝映玉筍逮予顧問服卿通敏封章斥邪  
直聲載震待卿殊選遂遍清緊虞胄是教鄭命斯潤  
培植士論痛斥馳躋間試外庸民被摩措改紀渴賢  
超秩京尹執綱風稜司刑明允爰升冢宰連茹拔俊  
文衡兼掌士望是徇十登台閣八膺首遴恒罄赤心  
漸凋玄鬢猷多辰告議必吉引不顧沮譽動求繩準

東園理田井井賸畛西甸均賦欣欣艾菑憂深宗祏  
三劄獨進按獄平反用人難慎深病黨流不置淄澠  
先憂若范後私如蒲前後詆謗競肆擠擯始終恩眷  
靡有緇磷而命牽復褒乃誠盡卿管設藥值予嬰疾  
夙宵焦念豈遑翔矧予惟莫諒威罰太迅荒郊屏跡  
戀闕紆軫溫音洞釋賀班乍赴前席勉留愧未孚煦  
斯殫誠禮復接晝晉聞卿有疾予心斯悶禁味屢頌  
兩醫俱診謂神所勞胡天不憖震悼倍常涕淚交隕  
特下絲綸表予悲愍常祿終喪東園錫櫬噫卿本末  
如玉死釁可愛可敬溫粹栗鎮和如飲醇清則消吝

恪勤貞亮為範紳搢淹通典墳衆理遊刃尤於禮學  
沂泓深濬涵頁至大取資无窘被服儒素禮下寒峻  
士類推宗星晶岳峻姚公裁決盧相坐鎮人之云亡  
世方琴泯清文邃學差與身殉譬屋穿漏誰任塗墮  
國無著蔡於何稽信佾官祭告敷予肝腎例義匪腆

至意庶認

如製教  
李坦製

左議政李世白賜祭文

資性凝毅器局峻整冰蘖之操孝友之行豫章干雲  
金璞出礦長材雋望秀出葦等自在韋布已蔚華稱  
晚闢晉塗始馬躡躑樓枳多年亦惟觀政積厚發遠

文苑補註

卷二十六

賜祭文

附九



文苑補註 卷二十六  
畜久流永周歷華要銓筆是秉暫衣漢繡亦贊晉乘  
自我奮興物无與競進班緋玉倚君華省受節海臬  
作周藩屏疲惇喜蘇奸猾縮頸及瓜將代借寇有請  
西門鎖鑰復膺新命俎豆有祠棠爰有詠入長烏臺  
網紀是頌詰戎山嶺陰雨是徹內外咸宜望實深盛  
消長之際進退有定逮至改紀賢路无梗恩眷日注  
機務萃並間開道路拔玉燕京度支掌賦金吾絜令  
長于天曹手提政柄志存激揚門絕私逕汪渭中蕩  
素履愈勁朝野屬望擢登台鼎正笏垂紳百僚起敬  
前席敷告懇懇箴警衆議紛拏是非驚騁片言徐辨

鎮之以靜朝綱治體寸心在炳抑躁類沆秉直如環  
山岳巍崎邪孽莫逞燮和平章六載之頃邦家多故  
有凶有慶前後受任禮師董正夙夜勤苦身馬告病  
尚賴神佑庶駐頽景天不怒遺生民無幸大厦摧棟  
巨川失艫中朝震悼予懷炳炳念卿釋負寔出謙性  
宣綸勉許倘可及瞑時沾危亡不啻察影有難孰叩  
有疑孰訂爰遵舊典薦羞陳洞不昧者存歆此鉅釘

知製教李  
健命製

右議政閔鎮長賜祭文

考廟在宥登擢俊良惟時先卿際遭非常清裁雅望

冠冕朝行卿紹厥武夙播芬芳孝悌其行恢弘其量  
東山偉雅元獻端詳譬若楸楠鬱彼崇岡宜標宜棟  
橐泉長揚魁元俊擢驥步載驤中遭否運少戢高翔  
逮至更化晉塗彷徨恩顧日渥擬究厥長中兵詰戎  
司寇鉏強遂頌漢農兼管齊棠才優恢刃澤洽翳桑  
亦摠南漢師律張皇綜理維密履履俱當忘身盡瘁  
寢食靡遑肩巨任重績用彌彰政有疑難衆所俛俛  
卿若指南犁然辨方身居肺腑口絕雌黃涇渭蕩滌  
不屑褰裳守以清慎牧以謙光肆勤倚毗俾贊辨章  
黃扉趾美佇副輿望沙堤纒築暑蓋未張始緣勞悴

轉崇膏肓中朝愍念尚冀神相胡天不憖遽告云亡  
震風寒厦中流失艗恫茲數歲饑札荐殃憂深扼掙  
榮茂平康矧喪良弼疇克胥匡每念時艱深增盡傷  
仍輸廩祿復錫便房追嘉鞠勅式表哀腸風儀縱邈  
典刑難忘茲修舊典替薦辨香靈如不昧歆此侑觴

兵曹參議  
李寅輝製

右議政申琬賜祭文

予自履位尤重置相歷選黃扉俱極時望念卿家闕  
世篤忠亮宗祊賴正勲業彪炳卿趾厥美華聞夙暢  
器度端凝風儀踈朗琮璫在序金璞出礪慈諒愷悌

接人和盜喜愠不形衆服雅量馳聲執圃蚤擢金縢  
禹筮勸講寔賴開警臺端措笏屢著忠讜棲棲枳棘  
運值消長逮至更化銓筆是秉力扶清議善類同響  
燕槎返命緋玉炫晃分麾湖邑弭節東壤襦歌棠頌  
惠洽培痒卿班擢秩邦禮式掌儒賢造朝與同趨嚮  
進居冢宰久典衡柄深裁威晚切戒偏黨甄別品流  
政路恢廣望實斯孚寵遇日盛金甌卜名遂陟台鼎  
謨猷密勿朝野傾想讞獄平反意存恢網劄陳萬言  
條貫井井軍民宿蠹劈畫不爽忠愛深誠予加歎賞  
佇究厥施民賴以拯臺章屢起狼跋有詠繫卿平生

予所深諒批旨優渥眷係不忘要慰卿心勉副固讓  
鞠事久張世道匪幸金吾眷命時月多曠勤治旣訖  
慰諭斯罄開示予意洞替疑謗東山嘯詠道然自放  
朝儀久隔予懷增悵聞卿入都知有微恙雖深若恫  
謂或无妄天胡不慙凶問遽上中朝震悼官庀殮葬  
環顧時勢日益波蕩扶顛濟危老成是杖大屋去棟  
中流失舫替奠洞酌寫予惻愴靈如不昧髣髴來享

校理宋  
正明製

頌議政李會賜祭文

昔有名臣家世經訓溯厥源流旣博且遠在孫惟卿

克承華間本之家傳得以天分粹溫清直姿與道近  
篤志向學壯事雕篆浮華刊落理義浸灌博通精識  
根據裏面居家至行可驗實踐餘事文章亦云典鍊  
擲地鏗鏘金石其韻少既儲望晚始披韞瀛館湖堂  
擢自翰苑經席屢前資予顧問間嘗乞外化此蜀郡  
際時消長履素采坦屬予更化責然乘運人瞻雅度  
士附清論托以文柄曰惟世選速居銓衡遜辭益懇  
非故奪志蓋專惟簡薦啓公恢李運私斷偏邪莫容  
奈彼群愠誣及試事厥口交亂彼自搆讒在卿何損  
遂膺枚卜匪躬謇謇方詢築斯庭議未判卿曰都城

國之根本本為宗社反遭唇吻貝錦未成火色還煽  
席藁郊坵耿耿丹悃疑消遇兩陰戢見親爰擢上台  
乍回遐邇言有不得負卿忠蓋巨川方漲歸棹旋迅  
雖欠翁受實示慚恨其如素操易退難進手書面諭  
亶出繾綣為予寢疾勉赴京輦臨筵握手可見至眷  
軫卿淹邸如古授館薄俗澆風煩卿坐鎮斯文會否  
邪正莫辨衆說胥爭四聰殆眩非卿躡予民紀幾珍  
一劄開陳義理昭見千古是非了一公案曉人當然  
予實感歎師倫再叙大義復顯卿惟浩然去就適願  
野渡舟橫老圃花晚民思手額予敷心腎霖雨方須

箕精遠返衆如望歲天曷不憖嗟卿始終摠合繩準  
若其雅潔蓋不待勉居寵每驚處亨愈異垣屋無地  
一節儉簡平生憂愛藹然忠款廊廟江湖只一方寸  
尋常奏牘亦竭素蘊爭無沽直遜不傷婉惟務格君  
至誠孚尹允矣平正可礪褊狠今焉悼念曷禁有隕  
佅官致酌表示恩典靈如不昧歆此牲醴

右議政金構賜祭文

粵在壬戌予親試士卿為舉首展也國瑞滿腹精神  
符彩映發風雲之契一見而決臺省秉直履艷談經  
桐鄉去思崇爰化行文學政事到底沛然中罹否運

六載歸田逮予更化收召群英遂還舊踐旋躋亞卿  
睽彼南徼王化多闕民困征歛罔克自達煩卿一出  
周爰諏咨卿體予憂勞之來之奏蠲積弊一路奠枕  
醫國大手試之即驗沁都保障爰命往奠不煩民衆  
告成真殿命由內降事非今翔誣捏孔醜人胡不諒  
予察無他卿猶不安棲遑下邑臨遠朝班歸承儻命  
仍膺敦匠司寇秩崇度支移掌姦宄自息國儲乃富  
東西兩銓後先以授人推鑑識志在激揚甚詆迭起  
必欲中傷言雖罔極尋之無貽眷注采勤金甌載卜  
喜溢同朝心切英辭適予動駕待卿與歸卿亦感蒙

不我遐棄視事未幾丁憂去位執喪踰制因毀成疾  
愍然憂念醫問不絕方冀神勞竟報云亡蓋卿平生  
予知之詳慈祥愷悌練達精敏出應機務事皆迎刃  
入告嘉謨聽之忘倦英猷忠款傾朝罕見熟察其賢  
決意大用才高謗興寵優忌衆唇舌紛拏擠之百端  
國事泮洩中朝痛嘆尚期他日卒究厥施胡天不憖  
遽失倚毗揖折中流樑摧大屋風儀永邈悼念曷極  
炯炯此心聊寓瓣香靈如不昧歆茲侑觴

兵曹參議  
閔鎮遠製

頌議政徐宗泰賜祭文

昔歲旃蒙卿始作相金甌特卜簡實在上御札敦名

恩數超曠謂卿平生兼有衆長清操謙德博識雅量  
淵鑑所燭袞褒允當蓋卿廉白水玉可况辭受取予  
一慎无妄張氏謝祿錢有別藏范公律已門絕私賂  
卑以自牧處高不亢華蹕極選實協輿望儒者至榮  
卿則克讓匪以要名寔全雅尚存心問學窮贖博訪  
涵淹墳典富若千釀發為文章藝苑鴻匠辭麗而則  
文簡而覺大冊煌煌金石迭唱是猶餘事厥有素養  
外惟恬穆中實貞亮動遵規矚不待勉強冲襟曠度  
耻循俗操操此靖約鎮彼躁放黨流橫潰蕩若溟漲  
末俗滔滔推助波浪卿惟慨然隻手思障一意調劑

隨事弛張守靜若拙抗直為壯昌言讜論屢格難纏  
清名令範士流歸嚮雖有善毀罔或誚謗始終恩遇  
舉世莫兩邇來謝事郊墅湖舫優游晚境神志閒旺  
昨歲入都承命董葬國有賀儀復覲天仗曾不數日  
云有微恙御藥才宣珍膳繼餉急計遽上宸情惻愴  
藐台典學薰炙講帳誘掖之惠何日可忘代理方始  
耆碩荐喪時艱溢目余將疇仰宿廩寢頌遺志是諒  
臨哭禮缺余恨曷狀

頌議政金昌集賜祭文

嗚呼我卿有赫家聲乃祖乃父世篤忠貞一心殉國

傳授靡替禍福休戚邦運攸係烈烈文正守禮義宗  
積忤群小屢嬰讒鋒閱歷百危身屯道泰亦粵先卿  
克紹前軌逆折亂萌力距詖邪姦黨眈眈禍慘龍蛇  
式邁其復難誣者天純誠體國恩褒煥然卿克負荷  
柱石王家夷險一節矣心靡他子堅志確稚圭量偉  
臨事不撓白直果毅十載巖廊協贊訐謨期回世道  
隻手以扶有竊儒名世倡邪說賣君讎以倫藝數絕  
卿時抗章辭嚴義直辨聖祖誣誅斯文賊士林氣張  
奸孽骨寒譬彼砥柱屹于橫瀾積憾交集駭機潛搆  
卿乃凝然目無罣礙德邵心丹聖贊孔賁眷毗方隆

弓劍遽墜彼凶傍信豕躡域吹硬着脊梁生死以之  
追先之報期以盡瘁憂念宗國語輒垂涕半夜決策  
短髮益白於休大行因心克篤爰遵舊例特降明旨  
予心惶慄百僚憂悸庭顛雖懇聖諭彌切泣上聯劄  
寔罄腔血噫彼群慝積久醞蓄有備冒熾有譎疑惑  
闖機潛入胸臆益肆指忠為逆敢逞異志鏡乃先驅  
儉又中煽縱虎噬齧快意殄先朝股肱非鑽則鑊  
苟饜所欲何變不作顧此凶計非一夕故機穿之設  
實兆潛溥首尾同串竟售僭毒我賢禍國千古罕覩  
矧伊卿門三世俱滅胡寧忍斯念之哽咽蓋卿家法

最嚴澌慝所以凶孽逞憤愈酷天既挺生為我宗祊  
胡不祚宋偏罹禍殃迨予嗣服倍切惘隱夫雪幽誣  
亟舉愍典揭以節惠庸表忠赤寵褒雖勤曷慰冤魄  
睠彼周行簪紳宛爾髮鬢冠劍九原難起臨命一語  
蓋著危忱有來告予我涕滂淫顧瞻時艱若涉無津  
於何得來難贖百身啣哀遣官言不盡意靈應不昧

庶歆茲解

知製教洪  
錫輔製

左議政李頤命賜祭文

邦運之厄禍先善類東京白馬千古一致往在辛丑  
奸黨秉國毒我忠良殲我耆碩若卿罹凶尤有深悲



匪直哀卿先君之思聖疾沉綿垂八九歲非卿忱誠  
疇任保衛代某誠切禱辰憂劇內焦外鑠鬚髮盡白  
事君如父本諸天得國耳忘家有書在壁予稔耳目  
感卿忠未聖眷既摯群愠攸積孰甚獨對有赫其臨  
可贊神明昭揭綸音攀髯慟深織貝誣酷自返使輟  
久遜公烏江湖跡遠京闕心懸屬予宅儲有命自天  
卿乃造庭竭誠齊籲泣陳聯劄蓋迫聖諭信其傍伺  
謂時可乘駭機闖發凶舌交騰符鏡外煽締儉內伏  
傅虎利牙靡人不肉耽彼禍心豈止朝紳積憾所逞  
事有難言股肱柱石是剪是除以卿宿德其或免且

二字誣抬有不忍聞况三其說尤見至寃惟昔文貞  
暨奎文正並世同德相我兩聖俱有是孫克紹厥美  
簡在寧考以遺聖嗣矧伊卿家一堂兩揆危忱共貞  
酷禍同被遂及子侄并殄門戶何仇於卿盡忠之故  
嗟卿重望粵自童外以廊廟器為士類冠文學才猷  
即卿餘事沉機偉量上下攸倚于以事國貫日其誠  
于以行政盡物之情走卒亦知奈彼曩慝念卿之世  
每增傷盡燹匿幸全教亡不餒積德猶徵天道斯在  
與之以官且許名對黃門傳旨命婦是慰隱卿寃酷  
待以殊典予豈私卿實體先眷想卿英爽陪衛寧王

文苑補遺 卷二十一 二十八  
舊契昭融洋洋在傍表卿實德揭一忠字風聲永樹  
百代仰止予惟時艱疇咨協理百身難贖九原誰起  
啣哀遣官敷予悃臆不昧者存歆此洞酌知製教李  
箕鎮製

右議政趙相愚賜祭文

粵若先卿為國蓋臣清範長德冠冕朝紳卿能趾美  
令聞夙彬更從賢師薰襲多親傳業服訓篤行肫肫  
復陵一疏義爭秋旻昔予始學將命惟誣宮僚筮職  
寔出揀掄斯文陽九泣玦海濤亨衢晚闢華軸鞶鞶  
特立明庭瑞鳳祥麟霜臺直聲聳動臣隣衣繡湖甸  
起疫歌呻執經登筵允副顧詢責盡啓沃事多敷陳

風雲契合寧或緇磷中罹否運乍懷遠巡逮至更化  
嚮用彌新服緋兩兼世有幾人良籌密勿遠敵告辰  
虞胄再教周士一淳命德之初有事西濱予念卿病  
不使勞身袖書進戒禹筵作賓間試外庸一意摩摭  
崇陰永化桐邑鐫珉擢置司寇公議是循金吾主席  
讞平冤伸中兵詰戎武無積薪任重天官恩除荐因  
由郎及長銓注孔均抑躁獎恬振滯技淪奏還宮庄  
活彼西民大小猷為儘出忱恂首尾卅載靡極不臻  
輿望日隆眷顧深諄遂自宗伯爰命秉勺適當久旱  
甘霈盈眵繫誰之力朝野舒顰鹽梅麴孽調劑甘辛

山岳鎮物鉅細咸馴功深歲計流澤津津出入扶掖  
殊禮夙倫名尊者社齡迫常珎縱釋機務屢愆昂首  
中朝愍念醫問繁頻神明有相福力無垠尚期他日  
卒究經綸胡天不憖遽報飾巾木稼謠唐春杵輟秦  
中流失楫大車摧輪知臣莫如予且申申魏國忠厚  
博陽寬仁清則消吝和如飲醇不設機牙永絕甲鱗  
渾金良玉被以陽春已眉莫皺人眼奚瞋汪渭相盪  
履屐靡榛然當制義斬釘截鐵狂瀾砥柱衆卉霜筠  
忠言讜論章牘紛纒一心憂愛可質鬼神究卿本末  
所學積真故予倚毗終始篤純恫茲國勢日漸艱屯

予今失卿疇與亮寅愨焉興想厚夜難晨仍廩錫觀  
特是埃塵即遠有期將發靈輶伴官侑觴恒典式遵  
不昧者存庶認傾困

知製教李  
世瑾製

左議政金字杭賜祭文

國有輔相古稱其難得喪推發名德歟完何以居之  
曰公與寬四字優褒寧考知卿矧守以確宜秉國成  
由始迄終孰敢改評窮經致用發軔之初颺于臺省  
有蔚其譽選貢玉堂晉塗闢如方在小官已期大受  
亦一宮僚相予齒冑願頌嶠藩越序以授匪直也勞  
僉曰其能積勤侯司惟允有稱間試外庸峽州戶增

文苑叢書 卷二十一  
上嘉乃績命按湖臬判事于長處劇如佚長諫而疏  
有謨非訐尉薦始聞尹西之都府傾財枵歲飢氓  
輓粟請貸後卿得蘇異時勒市病于民業痛繩其私  
騰頌咕咕參銓教胄時望克叶屬典邦畿名擢司寇  
嘉石無枉勻矢爭湊遂判地官旋移夏部唐晏理財  
周祈詰武惠洽間并歡騰跼注壯雉于郟迨未陰雨  
孰清選路進卿冢宰政先疏鬱仕絕干猥涇渭百川  
一受洪海策疾攝价幾微不見上獨軫免登筵涕泣  
南障摠戎北城治殿績用茂著注嚮益篤御筆特拜  
賢於夢卜稚圭之宏希文之廓山岳不運功利及物

有劄成束可徵大節替彼科案俾冤獲雪植我士氣  
恐圭有玷獨趨黨臼寧恤衆憐強圉血奏廷案衽歛  
老臣忠款何高不格屬時殆岌人胥振落孰誘孰費  
卿凜義色畢竟完名得乎素養和厚之性濟以器量  
風儀峻整襟懷坦蕩天賦既高見識自詣臨死不惑  
輒持大體處高思卑不以立勢祥順攸符神介景嘏  
黃髮赤烏婆娑耆社靈壽盛宴快傾恩學天顏顧笑  
玉山頽倒羹牆餘慕仰成一老尚作著龜咨我治道  
不詭而隨秉禮以匡橫逆之來久遜于荒虛席正勞  
騎箕忽忙即日哭臨式舉曠典懷慎清德沒後益見

知製教宋  
微明製

右議政趙泰采賜祭文

古稱哲輔曰社稷臣夷險不貳安危係身猗歟我卿  
維嶽降生和易愷悌內實果剛夙揚明廷咸推宏器  
遇事無難沛有餘地稚圭量偉景仁志確結知爾廟  
自登經席歷試既久眷遇益隆掌賦裕用秉銓恢公  
逮按科獄鈎覈明的怨憾交集於世屢阮邦之掇喪  
卿則遯荒卿之嚮用士有來章時運否泰一身以占  
金甌載卜望隆具瞻巖巖廊廟有儼冠鳥江河不淺  
利在滲漉兩朝歷事一節彌彰顧瞻時艱虞我宗紈

於顯寧王孝友篤至宅子儲貳寔遵遺旨噫彼群慝  
禍心潛滋先剪股肱將欲何為聯名一劄指忠為罪  
宿德舊弼惟意穢刈虺毒射牙忍肆噬吞骨肉猶然  
人理奚論嗟卿素心為國一死臨禍苟免則卿所耻  
守正不撓辭氣凜然平生所守可驗貞堅念茲憎毒  
前代未覩胡寧忍斯思之哽塞間閔誣案亦不干連  
首先昭雪特命肆宣平世相業人或可辨及當大事  
樹立始見聖考知臣益仰則哲言念及此傷感深切  
危忠偉烈炳朗千億允有血氣孰不欽服人悔簡書  
士推俎豆公議之定不待來後褒以節惠復以秩命

雖舉愍章曷及泉壤瞻彼黃閣緬懷老成前後臨筵  
語及涕零遣官往酌匪用常典英爽不昧庶歆茲奠  
和製教慎  
無逸製

左議政李健命賜祭文

六尺可托賁育莫奪義忘禍福功存社稷惟古大臣  
有為若茲雖在曠世尚感遺微矧我先朝輔弼之良  
予懷毅烈昧昧不忘迨茲謁陵云過卿藏彷彿冠劍  
若覩容光噫卿生死國以安危絕柔道率非有他奇  
如金斯剛如矢斯直國耳公耳之死靡忒洪濤震盪  
一柱挺天刀鋸昂鎊食息於前非為寡躬迺報先王

惟其如是禍烈斯戒忠貞是仇宗社是拯彼群凶者  
獨何胸臆不待百年公論自張哀榮備至誠忠日章  
微爾四老國何由活照映來今課忠效節嗟惟英靈  
左右陟降臨睨故國能無餘愴遺丘入望起予深嗟  
佻官致酌穀朝是差惟卿畢命乃在茲日靈來悽愴  
歆此芳潔

和製教  
尹汲製

文苑叢書卷之二十六

